

BANUMZANE, SITSANDZA

KUBONA JESU



Asikhotsamise tinhloko tetfu manje kutsi sikhuleke.

² Babe wetfu loseZulwini, siyabonga kuWe, kusihlwa, ngaletetsembiso lesinato kulengoma. Siyambona nje lomfana lonesitfutfwane kuloko kudlimuleka, uyise eta kutohlangana naWe, futsi akucela kutsi Ungaba nemusa yini. Futsi Watsi, “Ngingakwenta uma ukholwa. Konkhe kungenteka kulabo labakhawlako.”

³ Wetsembisa kutsi Awuyuze usishiye noma usiyekele. UmBhalo utsi Unguwe itolo, namuhla, naphakadze. Futsi nje Uyavuma, kusihlwa, kophilisa kugula kwetfu njengoba Wawunjalo ngalesosikhatsi, ngoba Uyafana. Futsi Wetsembisa eVini laKho kutsi tintfo Lowatenta, siyotenta natsi. Leso setsembiso saKho, futsi siyati kutsi siliciniso.

⁴ Ngako kwangatsi tonkhe letetsembiso leti letinkhulu, Nkhosi, tingagcwaliseka kubantfwana baKho kusihlwa, kutsi ngamunye ngamunye angemukela loko labakutele. Futsi uma inkonzo itovala kusihlwa, futsi siye emakhaya etfu lehlukene, kwangatsi singakhulum emkhatsini wetfu njengalabo lebebavela e-Emawuse ngalolosuku. Wawuhamba nabo lusuku lonkhe, futsi bebangaKwati. Kodvwa ngalobo busuku, ngesikhatsi Ubatfola bodvwa ekamelweni, Wenta intfo letsite njengoba nje Wenta ngaphambi kwekubetselwa, intfo lokungekho lomunye lowayenta ngaleyondlela nje. Futsi bacondza ngaloku Lowakwenta, kutsi WawunguKhristu lovukile. Base batisi, “Tinhlitiyo tetfu betingavutsi yini ngekhatsi kwetfu lapho Asakhulum natsi endleleni na?”

⁵ Sikhulekela kutsi Utobuya kitsi, kusihlwa, Nkhosi. Labantu laba labambalwa nje, kodywa Wena watsi, “Uma lababili noma labatsatfu babutsene ngeliGama laMi, Ngitawubasemkhatsini wabo.” Leso setsembiso saKho, Nkhosi, futsi siyakukholwa kutsi kuliciniso. Silindzile manje, eGameni leNkhosi Jesu, kutsi kucinisekiswa kweLivi laKho. Amen.

Ningahlala phansi.

[Lomunye umfo uniketa siprofetho—Umhl.]

⁶ Amen. Akabongwe Babe wetfu loseZulwini ngaleyonkhutsato lenkhulu. Kufanele kusente sitivele kanjani, ngaphambi kwekutsi inkonzo icale, Usinike setsembiso ngamoya wesiprofetho, kutsi sitoMbona emkhatsini wetfu ekhatsi lapha. Manje, kunjalo na? Impela kunjalo. Kuvela kuNkulunkulu.

Nomayini levela kuNkulunkulu ihlala njalo icinisile. Alibongwe liGama leNkhosi.

⁷ Ngingekubonga kakhulu kuphila esikhatsini kutsi uma uMoya waNkulunkulu usemekhatsini webantfu baKhe, abitela ngephandle, ehlukanisa liBandla kutsi liye ekhaya, ngenga yensali leyoshiywa emhlabeni uma Efika, kutsi yemukelwe emaZulwini. Ngibonga kakhulu ngako.

⁸ O, leli li-awa lelikhulu. Ngi—ngijabula kakhulu kuphila lapha. Niyati, Mosi bekayotsandza kuphila kulesikhatsi lesi. Bonkhe baphostoli bebayotsandza kutsi bebaphila kulesikhatsi lesi. Futsi naku lapho sikhona, siphila kulesikhatsi lesi, futsi siphila ngaphansi kwemattfuba lamahle etfu. Kutsi Nkulunkulu ufuna kanjani kubabusisa kanjani pho bantfu baKhe.

⁹ Manje, niyati, sitjeliwe kutsi lusuku lapho iNkhosi ifika khona, kuyoba yintfo lengakagadvwa, nelibandla litobe liphola. Futsi ngisandza kucedza nje, etabernakeli lami ekhaya, nge—ngeminyaka yelibandla lesikhombisa yekugcina. Futsi kuyaphuma... kusetheyiphini manje, futsi ku, ngitsetse umnyaka welibandla ngamunye, busuku ngabunye, ngenta *ImiNyaka yeliBandla leSikhombisa*, lesikhombisa yekugcina... tintsit tetibane, netitfunywa letisikhombisa teminyaka yelibandla ne...

¹⁰ Mine, kuko konkhe... Angisuye umshumayeli kangako, kodywa konkhe loko lengi... wonkhe umtamo lengiwubeka eNkhosini kuyo yonkhe imphilo yami, angikholwa kutsi wake waba ngulosebenta njengoba loko kwakunjalo.

¹¹ Ngoba ngatsi nje ngingehla, futsi ngingati kutsi ngitoyidvwebaphi leminyaka yelibandla ebhodini lelimnyama, kukhombisa nje kutsi Moya loyiNgewe ufiga kangakanani eMnyakeni weliBandla lase-Efesu, bese-ke kwehla njalo kuya eSmina, nePhegamu, naseThiyathira, futsi kuchubeke kuphume, futsi uma leyoNgelosi yeNkhosi, loko kuKhanya, Kungena ngco embikwebantfu labangemakhulu lamatsatfu, kutihambisa Kona lucobo etikwelubondza, futsi kwadvweba loko kuKhanya lokuyindingilizi, ngendlela nje lengadvweba ngayo lamabandla, futsi wakhombisa ngco kujula lokufanako nayoyonkhe intfo, njengoba bekuchubeka, lapho bantfu labangemakhulu lamatsatfu bamemeta, futsi bakhala, futsi baKubuka ngaseluhlangotsini lwelubondza. Ngani, Kwema ngephandle lapha, futsi Kwatibonakalisa elubondzeni futsi kwenta leyontfo lefanako.

¹² Futsi sebanako kudvwetjiwe manje, etitfombeni, futsi kume etabernakeli. UMnumz. Arganbright, umnaketfu loligugu lotsandzekako, usandza kusuka enhla lapho, futsi uyile lapho wakubuka, lapho kwakukhona elubondzeni.

¹³ Siphila nje esikhatsini lesikhulu kakhulu. Kodvwa ngiyesaba kutsi asi...sifanele sitincinte kancanyana futsi sitinyakatise kancanyana kutsi sitoffola nje kutsi sikuphi.

¹⁴ Bengihlale ngisho, futsi ngenta lokuphawula loku: Ngitfola emaklasi lamabili ebantfu njengoba ngihamba emhlabeni. Leyo yiPhentekhostali lelinye lawo, nebemtsetfo kulelinye.

¹⁵ Manje, bantfu bemtsetfo ngekwendzawo lenguyonayona bayati kutsi bayini kuKhristu ngesetsembiso seliBhayibheli, kodvwa abakamemukeli Moya loNgcwele kwati kutsi babobani, noma, babe nekukholwa. Manje, bantfu bePhentekhostali sebemukele Moya loNgcwele, kodvwa abati kutsi babobani. Niyabona na? Ngako kufana nje nekutsi umunfu unemali ebhange, futsi akati kutsi abhale kanjani lisheke; lomunye angalibhala lisheke, kepha akanamali ebhange.

¹⁶ Manje, uma ungahlanganisa labo bobabili ndzawonye! Uma bantfu bePhentekhostali batinte! Njengoba ngishito itolo ebusuku (ngikukholwa ngeliciniso loku ngenhlitiyo yami yonkhe.), libandla lePhentekhostali lalisimene lesincono... Be—bengingesuye umfundisi ngaletotinsuku, futsi angicabangi kutsi nganginguye, mhlawumbe bekangekho emhlabeni ngaletotinsuku. Kodvwa lemhlangano lemidzala yase-Azusa Street lenikhuluma kakhulu ngayo, futsi ngitifundzile tincwadzi te, libandla lePhentekhostali lasekucaleni, iminyaka lengemashumi lamatsatfu noma emashumi lamane emuva, beyisesimene lesincono kakhulu sekubuya kweNkhosi kunalena lengiko manje. Ecinisweni bebangemaKhristu laphansi-ngco emhlabeni, futsi baliphila. Balikholwa.

¹⁷ Manje, sesidente *emacembu* latsite, futsi sinetinhlangano tetfu nemahlelo lelime ezingeni. Futsi sinebatukulu ekhatsi lebatsetfwe ngekubekwa kwemntfwana nakanjalonjalo. Asisenalo lelilayini lelidzala lemaPhentekhostali lebelivamise kufa futsi impela lendlule naNkulunkulu, loko kukholwa kwelucobo impela. Bacela Nkulunkulu nje, futsi babagcoba ngemafutsa, futsi bachubeke futsi baphiliswe.

Namuhla Nkulunkulu angehla futsi atikhombise Yena lucobo ngalokumangalisako, khona ngco emkhatsini webantfu nayoyonkhe intfo, futsi, utsi nje, "Yebo-ke, ngiyacabanga loko bekukahle kakhulu."

¹⁸ Nibe nekufundzisa lokunengi kakhulu, nibuke kukhanya lokusha. Nguloko Eva lebekakufuna ngesikhatsi akhipha emehlo akhe. Niyabona, buyelani emuva nje eBhayibhelini futsi nihlale ngco nenchubo lendzala lelandzelwako. Ningayishiyi leyondlela lendzala yelutsandvo lwakucala, nentfo yekucala lefika kini. Hlala naMoya loyiNgcwele. Ungaphambukeli kulokunye kunhlanhlatseka lokutsite. Hlala naNkulunkulu ngco, eVini laKhe ngco. NaMoya loyiNgcwele angeke uze

ukwente wente nomayini lephambene naleLivi. Utohlala ngco eVini, ngoba li—Livi linguNkulunkulu.

¹⁹ Itolo ebusuku bengikhuluma ngesifundvo lesitsi *Kulindzela*, nakusihlwa, bengitokhulekela labagulako. Manje, encenyeni letako, lelandzelako, kusasa ebusuku kucala, sifuna kucala eluhlobeni lwekuvangela lweMlayeto, mhlawumbé *Kubuya KweNkhosi*, *LuPhawu LweSilo*, *LuPhawu LwaNkulunkulu*, *TiNkhulungwane LetiLikhulu NemaShumi Lamane Nakune*, *BaGibeli BeLihhashi Labane BeTambulo*. Leni, ngikholwa kutsi leyomilayeto inguloko lesifanele sikuletse kubantfu, kubaphaphamisa, kubanyakatisa, kubakhombisa kutsi si... Ngibone imiphumela lemikhulu *NgaleMiNyaka yeliBandla leSikhombisa*. Ngitawendlula kuloko futsi, uma ngicabange kutsi kutosita lapha. Kutsi kanjani i...Nkulunkulu wakubusisa.

²⁰ Manje, ase ngecwayise bantfu, ngiphindze futsi ngiphindze: Ningalindzeli kunyakatisa kwekugcina kwaNkulunkulu eBandleni kutsi kube yintfo yemhlaba wonkhe. Akunawuba ngiko. Kubhekiswe eBandleni. Tintfo letinkhulu letitokwenteka ngebantfu labancane ngesibalo. Lelo licembu lelincane Nkulunkulu lalinyakatisa kutsi lilungele, lihambe. Bona bahambile nomakanjani. Niyabona na? Manje, loko kukwemBhalo neliBhayibheli.

²¹ Kungesiko kadzeni umfundisi welidolobha lelikhulu lelitsite uta kimi, futsi watsi, "Yebo-ke, sengiyaguga." Watsi, "Sengibe lapha iminyaka lengemashumi lamabili nentfo, futsi sibe nalomunye wemhlangano lonemandla kakhulu." YiChicago, nguMattson-Boze.

²² Watsi, "Bengisolo ngilangatelela, Mnaketfu Branham, futsi ngita lapha futsi ngaba nesiprofetho lesivela eNkhosini kutsi uma bengingeta lapha, Ngiyobona sandla saNkulunkulu lesinemandla sitamatamisa lendzawo ngaphambi kwekutsi kufike sikhatsi sekuhamba."

²³ Ngatsi, "Mnaketfu Joseph, ngekwetsembaka," ngatsi, "ungusiyazi wetenkholo lomkhulu, futsi uyindvodza lenkhulu ye... Dokotela wetebuNkulunkulu. Akukho kungabata ngaloko. Beningeke ngikutsintse." Kodvwa ngatsi, "Kodvwa mnaketfu loligugu, unalokunye kuhlola kwakamoya lokuphuyile."

²⁴ Ngulapho la libandla likugeja khona namuhla, nguloko kuhlola kwakamoya kubona kutsi Nkulunkulu wentani. Futsi babuka le ngetulu intfo letsite lapha leyentekako khona lapha, futsi kutowendlula kini ngaphambi kwekutsi nikwati.

Akashongo yini Jesu ngaJohane...? Bafundzi batsi, "Basholani babhali kutsi Eliyase umele kufika kucala?"

²⁵ Watsi, "Sewuvele ufikile futsi abakamati." Nguloko-ke. Bebangati nhlobo kutsi Eliya bekangumprofethi, impela,

kuphela nje liBandla. Ngabe abazange bamphatse kanjalo, bebaneke bambite nge “mphantse,” futsi bachubeka kanjalo. Bebangakwati.

²⁶ Bebangati kutsi Johane empeleni bekangumprofethi waNkulunkulu. Bebacabanga kutsi bekayindvodza lehlanyako lengaphandle ehlane, atama kucwilisa bantfu emantini. Kodvwa akazange ayongena emadolobheni netintfo. Wahlala ngephandle ehlane, ayincaba, angakejwayeleki. Futsi bebacabanga kutsi bekaluhlanya, indlela lebekagcoke ngayo. Kodvwa liBandla, liBandla lelibitiwe, lelabitelwa kubona loko, bacondza masinyane impela kutsi bekangumprofethi.

²⁷ Bebangati kutsi Jesu bekayiNdvodzana yaNkulunkulu waze Wafa, futsi wangcwatjwa, futsi wavuka futsi. Labanengi babo abakwati nanamuyla. Liciniso. Abazange bat, ba . . .

²⁸ Libandla laseKhatolika alizange limemukele Patrick loNgcwele. Tikolwa takhe tonkhe tatikhona eNorthern Ireland. Wababhikishela bobhishobhi bemaKhatolika, futsi manje bamenta longcwele. Ngani, libandla laseKhatolika lashisa Joan wase-Arc, akhala esigcotjeni, ngoba batsi bekangumtsakatsikati. Lentfombatane yabona imibono. Yayiinceku yaNkulunkulu. Cishe eminyakeni lelikhulu kamuva bakucondza, emvakwekuba sekafile futsi wangcwatjwa. Ngako baphendvuka, bagubha lowomtimba webaphristi lowambulala, wabaphonsa emfuleni.

²⁹ Abazange bakwati kwaze kwendlula, naMoya loyiNgcwele uniketa liBandla kubita kwalo kwekugcina manje, futsi lenta kona kanye loko liBhayibeli lelatsti liyokwenta, nebantfu bePhentekhostali badvunguta etikwalo, bagadze intfo letsite. O, hhe. Ungakwenti loko, ngiyacela.

³⁰ Lalelani. Uma sibheke Khristu kutsi ete . . . Niyakukholwa loko na? Yebo-ke, uma sikukholwa, asitiphatsise kwako. Singamlindzela kanjani kutsi Khristu ete, kepha sifake tigidzi temadola lasitfupha esakhiweni na? Utitfola kanjani letintfo leti letinkhulukati, kepha ukhuluma ngaKhristu eta na? Ngani, mnaketfu, besifanele, ngabe siyatfola, silungiselela luHlwitfo, hhayi kuhlala leminte iminyaka lengemakhulu lasihlanu lapha emhlabeni. Niyabona na?

³¹ Kukhona lokungalungi. Akuhlangani nje ngandleletsite. Aku—akuwenti umcondvo kimi. Ngetitselo tabo . . . Ungahle ukusho ngetindzebe takho, kodvwa ngenhlitiyo yakho. Niyabona na?

Wena utsi, “O, ya, ngiyakholwa kutsi Khristu uyeta.” Kodvwa tento takho tifakazela lokwehlukile.

³² Kube ke indvodza beyitjеле umkayo kutsi iyamtsandza bese kepha igijima nalomunye umfati ke. Niyabona na? Tento sikhuluma kakhulu kunemavi. Kunjalo. Akunandzaba kutsi sitsini ngetindzebe tetfu, tento tetfu tiyafakaza

kutsi kuyini empeleni enhlitiywani yetfu. Nguloko Jesu lakushito: "Bazenzisi, ningatisho kanjani tintfo letinhle? ngoba ngekucicima kwenhlitiyo kukhuluma umlomo," Niyabona na? Futsi uma kungenjalo, khona-ke kukutentisa. Ngako niyabona kutsi Nkulunkulu utosicinisekisa kuphi na? KulowomNyaka weliBandla laseLawodisiya nje, losivuvu, akhuluma ngetindzebe takhe, kodvwa inhlitiyo yakhe ikhashane.

³³ O Nkulunkulu, asishwile leyontfo siye emuva. Asehlele kuNkulunkulu. Asehlele emBhalweni futsi sehlele lapho site sitfole impela iPhentekhosti ibuyele enhlitiywani yemuntfu, hhayi emuva enhlanganwani, kodvwa emuva enhlitiywani yebantfu etinhlanganwani. Niyabona na? Nguloko lesifanele sikwente. Ngako Nkulunkulu sisite kuleliviki kutsi sikwente.

Ngiyakhuleka, ngizila kudla, ngilindzele Nkulunkulu. Ngifuna kwenta incenye yami ngiseselapha eCalifornia. Yenta incenye yakho nawe. Phuma ungenise bantfu.

³⁴ Nkulunkulu wenta tintfo letinkhulu kunaleto letake tatiwa kusukela kwaba nguJesu Khristu emhlabeni. Kunjalo. Futsi kuhamba ngco ngetulu kwenhloko yebantfu, futsi bayaphutselwa kukubona. Leyo yincenye lembi.

³⁵ Kube nje bebakwati, njengoba Jesu atsi—atsi nge...ngi, "Kube nje benilatile lusuku lwenu, kube nje benikwati! Jerusalema, Jerusalema, bengitsandza kangakanani kunifukamela, njengesikhukhukati senta emantjweleni aso, kodvwa anivumi. Kube nje benilatile lusuku lwenu, kuvakashelwa kwenu!"

³⁶ Nguleyondlela lokungayo namuhla. Bekuhlala kunjalo; kunguloko-ke manje. Kube nje kuphela besilatile lusuku lwekuhanjelwa. Kodvwa kuhanjelwa kuhamba kwendlule nje, nebantfu babuka le *ngalapha ngalenyi intfo*. Futsi intfo yekucala niyati, kuvakashelwa sekuphelile, futsi nako ke.

³⁷ Kodvwa njengoba Atsi, "Akekho umuntfu longeta kiMi uma Babe waMi angakamdvonsi kucala. Konkhe Babe laNgiphe kona kutawuta kiMi." Amen. O, nguloko lokusenta...

³⁸ Manje, sitsandza kukhuluma nebantfu lapho singabenta bative bakahle sibili. Kodvwa intfo lencono kutendlula tonkhe kuyenta, uma kukhona—kukhona lokungalungi, asikukhipe loko endleleni kucala. Ake sehlisele lentfo esisekelwени. Niyabona na?

³⁹ Lomunye umfo watsi kimi kungesiko kadzeni, umfundisi lowatiwako, lomunye walababendlula bonkhe emhlabeni, watsi, "Mnaketfu Branham, wenta liphusa lelinengi kakhulu."

Ngatsi, "Ngiyacolisa, mnaketfu, ngitjele kutsi kukuphi."

⁴⁰ Watsi, "Usika bantfu kamatima kakhulu," watsi, "wena u, kwenta sibonelo nje, u—uhlala njalo utsetsisa la—labesifazane ngendlela labagcoka ngayo, futsi uhlala njalo usola *loku*

nalokwa.” Watsi, “Kuncono ukuyekele loko. Utokona inkonzo yakho.”

⁴¹ Ngatsi, “Noma ngasiphi sikhatsi lapho Livi laNkulunkulu lona khona inkonzo yami, Nkulunkulu, yone ngalokukhulu kushesha, ngoba ngi—ngifuna yonakale.” Loko-loko kunjalo. Ngifuna kuniketa intfo letsite lelungile. Livi laNkulunkulu lifundzisa loko.

⁴² Futsi ngitsi, “Nkulunkulu siphe sibindzi, nebantu labatomela liciniso, kungakhatsaleki kutsi kufikani noma kuhambani.” Nguloko lesikudzingako. LiVangeli alisiyo intfo yabosisi; liVangeli lebesilisa, emadvodza labitwe nguNkulunkulu.

⁴³ Awumehluleli umuntfu ngekutsi tandla takhe tikhulu kangakanani, nekutsi emahlombe akhe abanti kangakanani. Ngiyabeva batsi, “O, akusuye umuntfu.” Ngiwabonile emadvodza lebekasindza emaphawondi langemakhulu lamabili, angenayo intfosi yebudvodka kuye. Kunjalo. Awuyikali indvodza ngebukhulubayo. loko kuba luuhlata. Uyamkala ngesimilo sakhe. Akuzange sekubekhona uMuntfu lonesimilo lesikhulu kunaJesu Khristu.

⁴⁴ Umtimba lomkhulu, umnyuzi ukhuluphele kunoma nguyiphi indvodza, ngako angeke, noma indlovu, ngako, wena...loko kuba buluhlata. Kodvwa indvodza ayisiko kutsi emamasela makhulu kangakanani lanayo. Angikamkali ngaloko, kodvwa kutsi tikhwama tikanjani emadvolweni elibhuluko lakhe, lapho bekakhuleka khona. Nguleyo indvodza lefanele kukalwa: ngesimilo.

⁴⁵ Jesu bekayiNdvodza lencane, uMfo lomncane, mhlawumbe emahlombe lagubudzisile. Anemashumi lamatsatfu eminyaka budzala, Bekabukeka anemashumi lasihlanu, liBhayibheli lasho. Kodvwa bekangakaze abekhona umuntfu emhlabeni lonjengaYe, futsi akayuze abekhona. U—U...liBhayibheli latsi, “Kwakungekho buhle kuYe kutsi—kutsi sifanele siMfise. Ngesikhatsi siMbona safihla, njengoba kwakunjalo, buso betfu kuYe,” nako konkhe kanjalo.

⁴⁶ Kodvwa noko, kwamtifikotisa Nkulunkulu ku—kuMshaya. Futsi Washaywa, washaywa, futsi wahlushwa. Watfwala tiphambeko tetfu, wahubulwa ngebubi betfu, nangemivimba yaKhe saphiliswa tsine. O, kufanele kukhange kubantfu. Kufanele impela. Kufanele kunyakatise inhlitiyo.

⁴⁷ Kodvwa niyati kutsi yini indzaba na? Sikhiphe umhlangano wemkhuleko wangaLesitsatfu ebusuku, futsi safaka luhlelo lwamabonakudze lolugcina bonkhe bantfu bajatjulisiwe. “Nalapho inhlitiyo ikhona, imicebo ikhona, nayo nenhlitiyo ikhona.” Futsi yini leyenta bantfu bafune kuya etintfweni telive na? Yebo-ke, ngi...Uyati, sizatfu nenta loko na? Ngabe... Sizatfu bantfu benta loko na? Yini leyenta umuntfu afune

kudzakwa na? Yini leyenta bantfu bafune kwenta ngendlela labenta ngayo na? Live. Umuntfu angahlalela ini ekhaya ngaLesitsatfu ebusuku angayi enkonzweni yemkhuleko, kubukela luhlelo lolutsite lwamabonakudze, bebangakwentela ini loko na?

⁴⁸ Kungoba kunentfo letsite kubo lefisa kweneliseka. Bafuna...Kunendzawo lencane enhlitiywensi yendvodza noma inhlitiyo yewesifazane, naNkulunkulu watentela leyondzawo. Unesibindzi lesingakanani sekutsi utame kutsatsa tintfo teline bese utibeka ekhatsi lapho la Nkulunkulu Atentela kutsi ahlale lapho.

⁴⁹ Nkulunkulu ukujabula kwetfu. Nkulunkulu uyinjabulo yetfu. Nkulunkulu ukweneliseka kwetfu. Kulapho lakukhona, ekhatsi *lapho*; vumela Nkulunkulu angene, bese-ke leletinye tintfo tifile kakhulu, awunandzaba ngisho nanato nhlobo.

⁵⁰ O, bantfu bakholwa kakhulu, bebasolo banjalo. Njengoba ngashumayela ngalolobunye busuku laphaya, imvuselelo ihlala njalo iveta emaphahla, njenga-Esawu naJakobe: umuntfu welive, nemuntfu lofisa butibulo. Niyabona na? Kuhlala kunjalo, nayo yonkhe imvuselelo iveta loko.

⁵¹ Lemvuselelo yelusuku lwamuva, imvuselelo yente intfo lefanako. Icinisile. Ngako asingene eluhlangotsini IwaJakobe, lowo lotodla lifa, lowo lotongena eveni lesetsembiso. Futsi singeke seneliseke nje ngekuya esontfweni futsi sifake ligama letfu encwadzini. Uma sikhwele, kukhona lokungalungi. Asichubek sikhwele siye etulu nasetulu, site sifike kulelolive lesetsembiso.

⁵² Ngishumayela ngalelelinye lilanga engcungcutheleni yemaDvodza labosomaBhizinisi labangemaKhristu ePhoenix, Arizona, lapho e—enkhundleni yemdanso, Ngatsi, “Lomncane Israyeli bekangake acabange yini, ngesikhatsi bamemeta futsi badansa eMoyeni, naMiriyamu naleyothamborini emvakwekuba sebewele Lwandle loluFile, futsi babona bagciliati bafile emvakwabo, bacabanga kutsi bebaneminyaka lengemashumi lamane khashane nelive lesetsembiso.” Bebaneke bakukholwe loko. Bebakhweshe cishe tinsuku letine kuphela.

⁵³ Kodvwa badzingeka babe ne, niyati, badzingeka benyukele ku-Eksodus 19 futsi bente liphutsa labo lelikhulu kunawo onkhe labake balenta: bebadzingeka benyuke futsi batfole umtsetfo, kute bakhone kuphikisana futsi bahlele, futsi batihlanganise ndzawonye.

⁵⁴ Umusa wawubanikete umprofethi. Umusa wawubanikete liwundlu. Umusa wawubanikete imimangaliso. Umusa wawubanikete imvuselelo lenkhulu kunato tonkhe labake babanayo. Umusa wawubanikete tonkhe letintfo leti, kepha noko bebfisa umtsetfo.

⁵⁵ Ngulapho impela bobabe betfu bema khona ePhentekhosti cishe eminyakeni lengemashumi lamane leyendlula. Umusa wawuniketile. Bonkhe bebasekuvumelaneni kunye. Yonkhe... iPhentekhosti yayiyiPhentekhosti. Kodvwa bebangeke beneliseke, loko. Badzingeka babahlelele licembu lelitsiwa yi-Assemblies of God. Cha, badzingeka kutsi babatfolele lelinye: iChurch of God, iFoursquare, Bakamunye, Bakambili, Bakamtsatfu, Bakabane. Futsi bewuhleti khona lapho iminyaka lengemashumi lamane. Nkulunkulu bani nesihawu. Sidzinga i...

⁵⁶ Yebo-ke, bahlala lapho baze bonkhe labobantfu labanalolohlobo lwemcondvo bafa baphela. Kwase kutsike ngalelinye lilanga, Joshuwa wavuka, wabagaca bonkhe ngemikhono yakhe, naNkulunkulu watsi, "Bewukulentsaba sikhatsi lesidze ngalokwenele. Manje, asiyé enyakatfo, siteweleta ngesheya, sitsatse setsembiso."

⁵⁷ Nkulunkulu angatsatsa emaBaptisti, noma emaMethodisti, noma yini Lafuna kuyitsatsa. Kodvwa kukhona lowelako. Kunjalo. Futsi kuphela nje uma sisasolo sitfola imibono yetfu yemacembu futsi sihlale lapho kutsi si...O, utohlala khona lapho. Kunjalo impela nje.

⁵⁸ O, asivuke. Asiphume kuko. Hhe, titsintsitse futsi ucondze kutsi Nkulunkulu usenguye Nkulunkulu, Unguye, utofanele ahlale, uma Ake waba nguNkulunkulu, Usasolo anguNkulunkulu. Akagucuki etindleleni tetfu. Sinako, sintjintje tindlela tetfu etindleleni taKhe. O, bengingafuni ngisho nekusho loko. Nje ngi...

Ngi–ngitofundza lomunye umBhalo manje. Kulungile. Johane loNgcwele 12:20. Ngitofundza nje livesi lapha.

Futsi kwakunemaGrikhi latsite emkhatsini wabo lakhuphukela kuwo...umkhosi...kutokhonta:

Lawo ngako-ke eta kuFiliphu, lobekawaSebethsayida yaseGalile,...acela kuye, atsi, Banumzane, sitsandza kubona Jesu.

Manje, vulani kumaHebheru 13:8.

Jesu Khristu longuye itolo,...namuhla, naphakadze.

Bangakhi labakukholwako loko ngesizotsa ngayo yonkhe inhlitiyo yenu na?

Manje, kusasa ebusuku sichubekela etinkonzweni tekuvangela. Kusihlwa sito...sikunika kuphiliswa kwaNkulunkulu.

⁵⁹ Manje, kunentfo yinye kukhuluma nganoma yini, futsike kukhona lenye intfo letokwenta loko lesikhulume ngako kutsi kubeliciniso. Futsi konkhe Livi laNkulunkulu, futsi intfo kuphela leliyidzingako kukholwa kwenta noma ngusiphi setsembiso sebuNkulunkulu. Kunjalo. Uma Nkulunkulu

enta setsembiso, khona-ke Nkulunkulu ubophelelekile esetsembisweni saKhe.

⁶⁰ Manje, ngifuna ninginikete sikhatsi senu lesingakahlukaniswa imizuzu lembalwa. Uma nitonginika cishe imizuzu lengemashumi lamatsatfu, sitobese-ke sesibita lilayini labakhulekelwako, nemizuzu lembalwa, singaya ekhaya.

⁶¹ Manje, intfo yekucala kutsi: Uyakholwa kutsi Jesu Khristu unguye itolo, namuhla, naphakadze na? Niyakukholwa loko, ngesizotsa na? Ngabe Uyafana emgomeni na? lofanako emandleni na? e—emandla lafanako Lake aba nawo na? luvelo lolufanako? Kube Bekalapha, lokukutsi Ukhona namuhla, Bekangenta njengoba impela nje Enta ngesikhatsi Alapha phambilini na?

⁶² Noma, nicabanga kutsi emvakweminyaka letinkhulungwane letimbili Unalokuncane lokuhlakaniphile, lokutse kugcama kancane, lowatiko kutsi lentiwa kanjani libandla lehluke na? Futsi Bekatsi nje kuocolisa kuloko Lakwenta e—ebandleni lePhentekhostali kucala, ngako UMenta nje libandla lePhentekhostali lelehluukile lemnyaka wekugcina na? Ngabe lowo kutoba ngumcondvo waKhe na?

⁶³ Hhayi uma Afana. Bekayoba nemibono lefanako. Futsi BekanguNkulunkulu, ngako Angeke agucuke. “Nkulunkulu bekakuKhristu enta kutsi live libuyisane naYe.” Ngako Bekatoba nemibono lefanako, nemigomo lefanako, emandla lafanako, neliBandla lelifanako. Unguye itolo, namuhla, naphakadze.

⁶⁴ Manje, ngalelinye lilanga kwakukhona labanye bantfu lebebangakaze baMbome, bayendza bangena emhlanganweni, noma, benyukela ekukhonteni ePhentekhosti. Bebevile ngaYe. Ngako befika kulenyengetinceku taKhe futsi batsi, “Mnumzane, sitsandza kubona Jesu.” Futsi ngekucela lenceku, lenceku yaveta Jesu ngabo.

⁶⁵ Manje, uma Anguye itolo, namuhla, naphakadze, futsi uphakamise tanda takho kutsi ungatsandza kuMboma, pho kungani singakhoni kuMboma na? Ngulowo umbuto. Singeke siMbome na? Uma Afana, pho kungani singaMboni na?

⁶⁶ Uphakamise sandla sakho njengalawoMagrikhi. Ungatsandza kuMboma. Ngiphakamisa sandla sami. Ngiyatsandza kuMboma. Futsi Wetsembisa kutsi Uyoba natsi futsi akasishiyi. “Nginani njalo, kuze kube sekupheleni kwekuphelelisa.” Uhlala akhona lapha, longuye itolo, namuhla, naphakadze. Khona-ke yini indzaba na? Kungani singaMboni na?

⁶⁷ Manje, uma Atokuta emkhatsini wetfu kusihlwa... Manje, uma usihambi ungahle ungakucondzi loku, kodywa ngifuna nje wehlise kwekuvimbumsindvo, futsi uhlale uthula dvu u—umhlangano wonkhe, futsi ulalelisise lamaVi, tetsembiso

ngitonifundzela tona, tibhalwe lapha e...kuleliphepha, eBhayibhelini. Futsi ngi—ngifuna kunifundzela letinye tetsembiso futsi ngitfole kutsi ngabe Usaphila yini noma cha, kubona kutsi inkholo yetfu yebuKhristu iyinkholo yeliciniso, futsi uma umcabango wetfu wePhentekhostali wako ucinisile, noma kuliphutsa.

⁶⁸ Ngisho, ngiyakholelwa ku, manje, ngisho nakuko konkhe kweduka kwalo, ngisalikhetsa kutsi libe libandla, manje, hhayi ngoba bayiPhentekhostali. IPhentekhosti ayisiyo inhlangano. Manje, nine maBaptisti nemaMethodisti niyakukhumbula loko, emaKhatolika nePresbyterian, ungeke wamhlela Nkulunkulu. Awumhleli Nkulunkulu. IPhentekhosti sentakalo emaMethodisti, emaBaptisti, iPresbyterian, emaKhatolika, nawo *onkhe* layemukela.

⁶⁹ Manje, bengihlala njalo ngitsi, “Uma umuntfu aliKhatolika, futsi ancike ebandleni laseKhatolika ngensindziso, ulahlekile. Futsi uma ayiBaptisti futsi ancike ebandleni leBaptisti ngensindziso, ulahlekile. Uma ayiPhentekhostali futsi ancike ebandleni lePhentekhostali ngensindziso, ulahlekile.

⁷⁰ Kodvwa uma aliKhatolika futsi ancike kuJesu Khristu, usindziswa ngekukholwa, kukholwa kwakhe lucobo. Uma ayiBaptisti, noma iPhentekhostali, futsi abuka kuJesu Khristu ngensindziso, ngoba ngekukholwa usindzisiwe, naloko kungemusa waNkulunkulu, kunjalo, kukholwa kwakho lokucondzene nawe kuJesu Khristu nguloko lokusindzisako.

⁷¹ Manje, uma lena kuyiNcwadzi yaKhe...Ngibe nengcogciswano kungesiko kadzeni nemphristi lolikhatolika. Wefika endlini yami atongibuta kutsi ngayibhabhatisa yini lenye intfombatana le...ngesikhatsi iseluswane, noma, intfombatanyana cishe leneminyaka lelishumi nesihlanu, sewushade kabusha, futsi washada loKhatolika. Futsi u... ufanele kumbhabhatisa futsi. Umbhishobhi wangibuta imibuto letsite. Futsi wangibuta kutsi ngambhabhatisa yini, futsi ngamtjela, “Umbhabhatiso wemaKhristu ngekucwilisa.”

Futsi watsi, “Libandla laseKhatolika lalivamise kukwenta loko.”

Ngatsi, “Nini?”

Ngako wabuyela emuva wase utsi, “Ngetinsuku teliBhayibheli.”

Ngatsi, “Ngako-ke usho kutsi li—liBhayibheli li...Libandla laseKhatolika labhala liBhayibheli na?”

⁷² Watsi, “Jesu Khristu wahlela libandla laseKhatolika wase ubeka Phetro inhloko yalo nebaphostoli labalishumi nakubili; futsi lelo kwakulibandla lekucala laseKhatolika.”

⁷³ Ngatsi, “Ngako-ke uma lingaphosisi, futsi lingagucuki, kungani kube nalokunye lokunengi kakhulu kuntjintja

lokwentiwe na? Ngani, nine besifazane labatinkhulungwane letilishumi ngephandle lapha lenikhuleka kubo, bantfu labafile. Futsi munye kuphela uMlamuli, kwasho liBhayibheli, emkhatsini waNkulunkulu nemuntfu, futsi loyo nguMuntfu, Khristu Jesu, akukho boMariya, noma lutfo lolunye. Niyabona na?” Ngatsi, “Ngani na?”

Watsi, “Yebo-ke, uyabona, Mnumz. Branham, asikafaneli siphikisane neLivi.”

⁷⁴ Ngatsi, “Angiphikisani neLivi. Ngiyakubuta nje.” Ngatsi, “NgineyaHislop lets *EmaBhabhiloni Lamabili*. Nginemilandvo lemikhulu kakihulu yasendvulo lengingayitfola. Naba boBabe baseNayisiya, uMkhandlu waseNayisiya, uMkhandlu waseNayisiya wangaPhambilini, nabo bonkhe, khona lapha endlini yami yekudadishela. Ngikhombise nom a ngukuphi lapho kwakukhona khona libandla laseKhatolika kwate kwatsi 305. Ngikhombise kutsi kwakukuphi.”

Wa-watsi, “Ucaphuna umlandvo.”

⁷⁵ Ngatsi, “Ngati kanjani kutsi kwakuna George Washington lapha, kuphela ngemlandvo na? Ngikhombise intfo letsite leyehlukile.” Niyabona na? Futsi ngatsi. Loko kunjalo impela. Nkulunkulu akazange sekahlele libandla, futsi alizange selibe licebo laNkulunkulu kukwenta. Make wemahlelo yiKhatolika, futsi onkhe lalamanye awo asuka kuletotinhlangano letifanako ngekweSambulo se 17. Loko kunjalo impela. Kwephula inhlanguyelo...

⁷⁶ Sonkhe simunye. IPPhentekhosti yeMethodisti, iBaptisti, iKhatolika, iPresbyterian, “Nomangubani lotsandzako, akete, anatse emitfonjeni yemanti ekuPhila ngesihle.” Kunjalo. Manje, uma Jesu angu...

⁷⁷ Manje, angikhulumi ngekumelana naletinhlangano leti, kodvwa uma udvweba lutsango loluncane lapho... Njengentfo lencane lengayibona ngalesinye sikhatsi, ingobiyane lencane ihleti etulu esihlahleni. Futsi watsi, wabuka ngale kuletinye tingobiyane letincane, watsi, “Uyati basitjela loko... basitjela, noma, basho entasi lapho kutsi—kutsi tivela kitsi.” Watsi bekangeke akukholwe loko.

⁷⁸ Watsi, “Ngingafenisela lesihlahla sami lapha khona umfo loyingobiyane angakhoni kuwelela ngalana futsi atsatse ikhokhonathi nakayifuna na? Ngingasho yini kutsi ngimi ingobiyane kuphela’ lekhona e—etihlahleni na?” Yebo-ke, watsi, “Uma kukwentieth, khona-ke sive sesikhumbuto sesiwile.” Loko kutsi, yebo-ke, loko kutsi akube ngiko futsi. Ya.

⁷⁹ Uma sitama kubiyela intfo letsite... Nkulunkulu akayibiyeli. Wephula tibuya tiyephansi, adzilite phansi lubondza loluhlukanisako futsi, konkhe kukunye kuKhristu Jesu. UMoya loyiNgcwele ungewetfu sonkhe, kuze sonkhe sibone inkhatimulo yaNkulunkulu.

⁸⁰ Kuyo yonkhe imihlangano yami angikaze ngiMbome atsi, “Yebo-ke, lomfo uyiPresbyterian, ngako angeke aphiliswe. Futsi lena yiBaptisti, ngako angeke aphiliswe.” Akabaphilisi bantfu ngaleyondlela. Kusetisekelweni tekukholwa kwabo futsi hhayi lihlelo labo. Kunjalo.

Manje, uma Anguye itolo, namuhla, naphakadze... Libandla laseKhatolika belingatsi, “Impela, siyakukholwa loko. Siyakukholwa loko ebandleni letfu.”

IBaptisti beyingatsi, “Sikhola kutsi ebandleni letfu.”

IKhatolika itsi, “Siyakukholwa” kulelobandla.

⁸¹ Manje, kube bentosekela loku kukhuluma etikweBaptisti, libandla lengivela kulo...Kube bentokwesekela etikwePhentekhosti, noma kube bentokwesekela etikwanoma nguyiphi lenye yetinhlangano tePhentekhosti, Kuncono nje ngime. Nguloko kuphela.

⁸² Kodvwa yinye kuphela intfo lokufanele yentiwe. Kutofanele kube nentfo letsite lengiyo nentfo letsite lengakalungi. Kuliciniso impela. Ungeke ukutfole lokuliphutsa futsi ngesikhatsi lesifanako ngco. Sinelidola mbumbulu ngoba lentiwa ngelidola sibili.

Manje, yini—yini umehluko na? Besiyokwati kanjani ke? Libandla laseKhatolika litsi, “Siyinhlangano lendzala kunato tonkhe.”

IPhentekhosti yatsi, “Ngani, sicala emuva lapho embikwenhlangano.”

Kulungile, sitochubeka nje konkhe *loku*.

IBaptisti yatsi, “Sicale kuJohane. BekayiBaptisti yekucala, ngisho ngaphambi kwekutsi Jesu ete enkhundleni.”

Yebo-ke, bewuyoba nato tonkhe tinhlobo temphikiswano. Kodvwa ake sikutsatse sikuyise entasi futsi sitfole.

⁸³ Manje, uma-ke siya entasi edolobheni kuyofuna Jesu, kutsi Uyafana na? Besingabona umunfu eta agoke ingubo lendze njengoba Bekaggoka, futsi lo—nalomcabango lophat selene nengcondvo wako kutsi Bekenetinwele letindze. Asinarekhodi laloko, kutsi Wake wabanetinwele letindze. Asati.

⁸⁴ Kodvwa asitsi besimati—sayibona indvodza lefana naleyo lesesitfombeni semdvwebi lowadvweba Jesu, futsi bekanetibati etandleni takhe, tibati etinyaweni takhe, ne—netibati temanyeva, nakanjalonjalo, futsi kubukeka kwangatsi, mhlawumbe, sitfombe saHofmann saKhe, sasiyiNhloko *yemaShumi lamatsatfu nakutsatfu*, noma mhlawumbe lokunye kwalolokunye, njengelugcozi, noma—noma sitfombe tsite, loyo utabe angasuye Jesu, ngoba ngitonitjela kutsi kungani: Ngoba akukho muntfu loyobona Jesu emhlabeni emtimbeni wenyama

aze kucala Aye enkhatimulweni; ngoba siyohlwitfwa kutsi siMhlangabete emoyeni. Kunjalo.

O, Watsi etinsukwini tekugcina, kuyobakhona boKristu mbumbulu, nayo yonkhe intfo itsi, “Bhekani, Uselugwadvule; ekamelweni leliyimfihlo; ningakukholwa.”

⁸⁵ Kodvwa Ulapha esimeni saMoya loyiNgcwele, naMoya lowawukuKhristu uyokwenta tintfo letifanako Latenta, ngoba kukuPhila lokufanako. Uma ufaka kuphila kwe—kwemvini wemagelebisi emvinini wekhukhamba, bewuyotsela emagilebisi. Uma ufaka kuphila kwesihlahla semmpentjisi e—esikh amore, siyotsela emampentjisi. Niyabona na? Impela. Ngoba kuphila lokukuwo, lokukhicitako.

NekuPhila lokuseBandleni laJesu Khristu kuyotfwala imisebenti netibati taJesu Khristu.

NeliBandla lingumuntfu ngamunye. Nkulunkulu usebentana na-Israyeli njengesive, kodvwa beTive njengemuntfu ngamunye. Manje, niyakutfola, niyakutfola na? Niyabona na? Umuntfu ngamunye...

Sive—sive siyosindziswa uma Israyeli efika. Kutotalwa nje ngebusuku banye ngesikhatsi Israyeli atokuta kuNkulunkulu ngesikhatsi sinye.

Kodvwa-ke, ngesikhatsi beTive, ngumuntfu ngamunye. Bantfu Ukhishwa kubeTive ngenca yeliGama laKhe, enta uMlobokati waKhe.

⁸⁶ Manje, besiyokwentani ke kusihlwa kube besifuna kutfola kutsi nguliphi libandla Lakulo na? Kube bengifuna kubona kutsi Usebandleni lePhentekhostali, kube bengifuna kubona kutsi Usebandleni leBaptisti, noma libandla leKhatolika (inhlangano lendzala kunato tonkhe), noma nguyiphi lenginga...? ILuthela, loko ngulokulandzelako kuKhatolika, naWesley uyalandzela, futsi kwehle njalo kanjalo. Uma bengingawela, ngibuke lawomabandla, bengingafuna ini na? Indvodza lebeyingabukeka njengaYe na? Cha. Kungahle kube nemadvodza lamanengi labukeka njengaYe, impela nje. Ngingabukani na?

⁸⁷ Khona-ke bengifuna umuntfu lobekaneKuphila kuye. Bengiyobuka liBandla lebelineMoya kubo njengeMoya waKhe nje. Niyabona na? Bengiyobuka kutsi ngibone imisebenti yaKhe. Watsi, “Loyo lokholwa ngiMi (Johane loNgcwele 14:12), Loyo lokholwa ngiMi, lemisebenti lengiyentako Mine naye utoyenta.” Ngabe kunjalo na? Khona-ke si... Watsi, “Loyo lokholwa ngiMi, lemisebenti lengiyentako Mine naye utoyenta.”

⁸⁸ Manje, uyatfola ekuhumusheni lapho, kwatsi, “Lomkhulu kunalena utawuyenta, utawu...” kodvwa i, empeleni, kuhunyushwa lokungiko kulo ku... Nginisichazamagama i-*Emphatic Diaglott*, futsi kutsi, “Loyo lokholwa ngiMi, lemisebenti lengiyentako Mine naye utoyenta, *naleminengi*

kunalona utowenta,” hhayi lokukhulu kakhulu, ngoba bebangeke bente lokukhulu ngalokutse gcagca. Wavusa labafile, waphilisa labagulako, wamisa imvelo. Kute lokungaba kukhulu. Kodvwa—hhayi ngebuhle, kodvwa *ngelinani* Angaba mkhulu.

⁸⁹ Ngoba khona-ke U...Nkulunkulu bekakuMuntfu munye, Khristu Jesu; kuYe kwakuhlala kugcwala kwebuNkulunkulu ngekwemtimba. Manje, ngesikhatsi leyoNsika yeMlilo yehla ePhentekhosti, niyacaphela, Tilimi teMlilo tahlala etikwalowo nalowo kubo. Ngaphambi kwekutsi bacale kukhuluma ngetilimi, kwakunetilimi teMlilo. Lowo kwakunguNkulunkulu atehlukanisa Yena lucobo esuka eNsikeni yeMlilo angene elungeni ngalinye leliBandla laKhe. Nkulunkulu atehlukanisa Yena lucobo kute Akhone kuba ngulofanako yonkhe indzawo ngasikhatsi sinye.

⁹⁰ Khona manje imihlangano yekuphilisa ihamba e-Africa. Tishosha tiyahamba, timphumphutse tiyabona, umhlaba wonkhe jikelele, liBandla lemhlaba wonkhe leNkhosi Jesu Khristu kubantu ngamunye, emadvodza laphilako futsi aMkhonta. Nkulunkulu watehlukanisa Yena lucobo wase Uyatibeka ngephandle emkhatsini.

⁹¹ “Ngalolosuku niyokwati kutsi NgikuBabe, naBabe ukiMi, Mine ngikini nani nikimI.” Niyabona na? Niyabona na? “Ngitoba...Kusesikhashana nje nelive (ikhozimosi lapho, inchubo yemhlaba), lingake lisaNgibona. Noko nine, liBandla, nitoNgibona, ngoba Mine, *Ngi* ‘sabito semuntfu,’ Ngitawuba nani, ngisho nakini, kute kube sekupheleni kwemhlaba.” Kunjalo. “Mine, ngitawuba nani...” Niyabona, liBandla lemhlaba wonkhe leNkhosi Jesu Khristu. “Ngitawuba nani. Lemisebenti lengiyentako Mine nani nitawuyenta.”

⁹² Manje, ake sicabange umzuzu nje manje kutsi Wentani ngalesosikhatsi. Ake sibone kutsi hlobo luni lwemisebenti Layenta, nekutsi Watenta kanjani watiwa. Manje, sitsatsa, sibonelo nje, Bekabitwa ngaMesiya. Futsi *Mesiya* kuchaza kutsi, “LoGeotjiwe,” Khristu. Bekakadze etsenjisiwe kusukela ensimmini yase-Edeni, emuva kuGenesisi.

⁹³ Manje, sibuyela emuva nje futsi sitfole. Manje si—sifundza kusihlw kaJohane loNgcwele 12. Asibuye emuva kaJohane loNgcwele 1, sitobese-ke siyatfolo kutsi Bekayini. Futsi uma singatfola kutsi Bekayini, nekutsi nguliphi libandla beKakulo, kutsi nguyiphi inhlangano Laya kuyo, khona-ke uma kuyinhlangano yetfu singaneliseka ngayo.

⁹⁴ Futsi sitotfola kutsi Bekayini, nekutsi Bekayini ngalesosikhatsi, nekutsi Wentani ngalesosikhatsi, Ufanele abe yintfo lefanako, futsi ente intfo lefanako namuhla, ngoba Watsi Uyokwenta. Ngabe loko bekuyokwenelisa libandla na? Yebo-ke manje, ake sibuye emuva nje futsi sitfole.

⁹⁵ Manje, ngitocaphuna, futsi nifundze. Uma—uma seniya ekhaya, tsatsani letahluko leti njengoba ngitsatsisela kuto lapha. Futsi-ke, uma sine... besitoba nenkonzo yekuphilisa yanjalonjalo, sisolo sishaya nje kusuka kuGenesisi kuya eSambulweni kukhombisa kutsi leli liciniso.

⁹⁶ Manje, ungahle ube nemibono yakho yonkhe ilungiswe (bentanjalo nebaFarisi) yaloko Mesiya lebekatokwenta uma Efika. Kodvwa Ufika ngalokwehlukile kancane. Noko Ufika ngako ngco nje loko imiBhalo leyakusho, indlela La...ba... ImiBhalo yatsi Uyofika. Manje, asiMcaphele umzuzu nje.

⁹⁷ Siyatfola, emvakwekutalwa kwaKhe, kute kuyofika eminyakeni lengemashumi lamatsatfu budzala, umzala waKhe wesibili, Johane, bekabhabhatisa ehlane. NaJesu wehla wase uyabhabhatiswa, nemazulu avuleka, wase ubona uMoya waNkulunkulu wehla njengelituba. Futsi Waya ehlane futsi walingwa nge...tinsuku letingemashumi lamane tadeveli, wabuya nenkonzo yaKhe.

⁹⁸ Futsi intfo yekucala Lacala kuyenta, siyatfola lapha kuJohane 1, Wacala kuhamba aphilisa bantfu labagulako. Kwase-ke kubakhona indvodza ligama layo ngu-Andrew yayikholelwe kuYe. Ake simtsatse umzuzwana nje. Asitsatse manje kutsi Watenta kanjani watiwa Yena lucobo njengaMesiya.

⁹⁹ Manje, khumbulani kutsi Nkulunkulu sonkhe sikhatsi uniketa tibonakaliso netimanga. Bangakhi labakukholwako loko na? Manje, eThestamentini leLidzala... Manje, lalelisisan. Nje ngapha-...Ngeke kutsatse sikhatsi lesidze. Uma singakutfola kutsi nibone uMlayeto, nine...akunawubakhona muntfu lapha ngekhatsi losesitulweni lesinemasondvo. Kungeke kubekhona umuntfu logulako kulesakhiwo emizuzwini lengemashumi lamane kusukela manje, uma nitolalela futsi nikubambe edvute.

Manje, ake sikufakazele nje. Nguloko liBhayibheli lelakusho. "Hlolani tonkhe tintfo." Manje, uma Enta setsembiso, Utوفanele asigcine setsembiso.

¹⁰⁰ Futsi Nkulunkulu, eThestamentini leLidzala, uma umprofethi aprofethile, noma umphuphi waphupha liphupho, indlela labatfola ngayo kutsi loko kwakuliciniso noma cha, bebehlela entasi kuUrimi Thumim. Belusi kanjalonjalo uyati ngaloko, sivikelo sesifuba sa-Aroni. Bekanematje lalishumi nakubili alamatje ekutalwa abokhokho. Sasilenga ensikeni ethempelini. Futsi ngesikhatsi umprofethi acala kuprofetha, noma umphuphi asho lelipupho, akunandzaba kutsi kuvakala kungiko sibili kanjani, uma kungavetanga lesosibumbatsa sekukhanya ekhatsi lapho, lokungetulu kwemvelo kwakungasebenti. Ngako bebwala umlayeto.

¹⁰¹ Anginandzaba kutsi kuvakala kukuhle kangakanani, kutsi kungena kanjani ngesayensi yetenkholo yaDkt. S'bani-

bani, noma kufanelana kanjani ne... *lelibandla* noma *leyonhlangano*, balilahla ngelicala ngoba lokungetulu kwemvelo akusebentanga. Amen.

¹⁰² Ngicala kutivela ngicwala lukholo. Yebo, mnumzane. Lapho Nkulunkulu longetulu kwemvelo akhona, kutobakhona tintfo letingetulu kwemvelo letentekako. Ungeke nje ukuvimbele. Kufanele nje kube ngaleyondlela.

¹⁰³ Manje, caphelani, manje, ngesikhatsi lobobuphristi buphela, buphristi ba-Aroni, khona-ke leyo-Urimi Thumimi yasuswa. Kodvwa Nkulunkulu unalenye i-Urimi Thumimi, leLivi laKhe, liBhayibheli.

¹⁰⁴ Manje, uma Nkulunkulu enta setsembiso eBhayibhelini, bese-ke uma wemukela leso, setsembiso lesingetulu kwemvelo sitokwenta kubonakalisa lokungetulu kwemvelo, ngoba Nkulunkulu utolicinisekisa Livi laKhe. Impela. Uma lingakwenti, khona-ke alisilo Livi laNkulunkulu. Uma lingesilo...

¹⁰⁵ Khona-ke—khona-ke uma kukholwa kwetfu kungesiko lokukhulu ngalokwenele, ungakuphiki, uma Nkulunkulu enta setsembiso, atsi, “Kunjalo, kodvwa anginako kukholwa lokwenele kukwenta,” vumela lolomunye umfo akwente.

¹⁰⁶ Uma ngingenako kukholwa lokwenele kutsi ngicale kuhamba njengoba kwenta Enoki, ngitsatse luhambo lwasentsambama bese ngiya ekhaya naNkulunkulu, Angiyuze ngime endleleni yalomunye umuntfu lonekukholwa lokwenele ekukwenta. Ngitotsi, “Akadvunyiswe Nkulunkulu ngalowomnaketfu, wahamba wachubeka ngco aphuma emhlabeni, ngibonga kakhulu ngaloko, A—angeke ngikhone kukwenta, kodvwa u... Ngiyabonga kutsi ukwentile. Ngi...” Niyabona na? Ngiyakukholwa loko, futsi angifuni kuma endleleni yanoma ngubani lonekukholwa kwenta Livi laNkulunkulu liciniswe. Manje, kufanele kuvele eVini.

¹⁰⁷ Manje, ngesikhatsi Jesu efika, Weta kubaKhe luCobo, emaJuda. Manje, sitfola kutsi Bekanesibonakaliso sebuMesiya lebesiMlandzela. Johane wakufakazela, futsi kwakubukeka njenge—ngelituba, kuKhanya, kwehla kuvela eZulwini. Wakucaphela. Manje, ngesikhatsi loko kuKhanya, noma lituba, lingena eNdvodzaneni yemuntfu, siyacaphela kutsi kwentekani.

¹⁰⁸ Andreya, asicale ngaye. Si... Manje, kuJohane loNgcwele 1, sahluko 1, Ngikuso. Sitfola kutsi Andreya, masinyane nje akholwa eNkhosini Jesu Khristu, uyahamba kuyolandza Simoni Petro. Ligama lakhe kwakunguSimoni ngalesosikhatsi, futsi watsi kuSimoni, “Manje, ufanele ute ubone.” Asibhobokele engcogcisaneni yabo. Bobabili babadwebi.

¹⁰⁹ Sengiyambona Simoni, mhlawumbe lomdzala walababili, wahlala phansi eceleni kwesikebhe futsi watsi, “Andreya, manje uyati kutsi sobabili sibaFarisi, ngoba sisemvakwababe

wetfu lomdzala, umFarisi. Futsi ngiyakhumbula, Andreya, ngaphambi kwekutsi babe afe ngesikhatsi ngisengumfana lomncane, ngalelinye lilanga emvakwekuba sesidwebe echibini lusuku lonkhe, siyangena; nababe bekakhuleke kamatima kutsi atfole inhlanti. Futsi khona ngco e-aweni lekugcina sabamba tinhlanti tesinkhwa setfu ngelusuku lolulandzelako. O, ngiyabona kutsi—kutsi make uhlala kanjani aguce ngemadvolo akhe akhuleka. Kutsi simetsema kanjani Nkulunkulu kutsi asisite.”

“O, impela, mnaketfu Simoni. Ngikukhumbula kahle kakhulu loko.”

¹¹⁰ “Yebo-ke, ngiyakhumbula,” (Simoni) “babe wami watsi kimi ngalelinye lilanga lapho aphulula tinwele tami atiyisa emuva, futsi ngabeka tandla tami etikwetinwele takhe letimphunga, futsi watsi, ‘Simoni, ndvodzana yami, bengihlala njalo ngifuna kuphila kutsi ngibone lusuku lapho uMkhululi wetfu, Mesiya, bekatofika khona. Kodvwa sengiyaguga manje, ngako ngicabanga kutsi angeke ngikhone kuMbона, Simoni. Kodvwa ungumfana lomncane. Akungabateki kutsi nitoMbона ngelusuku lwenu.

¹¹¹ “Manje, kutawuba nalokunengi kudideka. Kuhlala kunjalo, Simoni. Ngaphambi nje kwekutsi kwenteke lokungetulu kwemvelo, kuyobakhona incumbi yetintfo temanga letentekako. Kodvwa ngifuna nikumbule loku, Simoni, kutsi uma Mesiya efika, Mesiya uyoba nesibonakaliso saMesiya. Futsi nitoMati ngesibonakaliso.

¹¹² “Mosi washo njalo, ngoba Mosi washo, lo—ekhatsi, ngale esahlukweni sa—saDutheronomi, sitfola loku, kutsi Watsi iNkhosi . . .” (Dutheronomi 18:15, uma nifuna kukubhala phansi kutsi nikufundze. Fundzani sonkhe lesahluko, phansi.) “. . . kutsi iNkhosi Nkulunkulu wenu iyonivusela umprofethi lonjengami. Kutokwenteka kutsi ngubani longeke eve lomprofethi uyoncunywa emkhatsini webantfu.” Niyabona na?

¹¹³ “Manje, watsi, ‘Manje, khumbula, Simoni, kungahle kubekhona tikhulumi letinkhulu letiphocelakalo letivukako. Kungahle kubekhona emadvodza lamakhulu layovuka. Kodvwa khumbulani, njengemaJuda, siyati kutsi Nkulunkulu usitfumelela umProfethi, umProfethi-Mesiya. Nesizatfu . . . Manje, sesibe neminyaka lengemakhulu lamane manje, kusukela kuMalakhi, asikaze sibe nabo baprofethi, kodvwa uma Mesiya efika, Uyoba ngumProfethi-Nkulunkulu. SiyoMati ngaloko. Manje, ningakukhohlwa loko, Simoni.’”

¹¹⁴ Manje, utsi, “Andriya, ungahle utsi lena yindvodza lenkhulu. Angababamba bantfu bashaceke. Kodvwa kimi, Ufanele abe ngumProfethi ngoba Mesiya . . .

Futsi ngakuva ukhuluma ngalowomuntfu ehlane nakanjalonjalo, Johane. Yena, mhlawumbe, bekangumprofethi naye. Angati.

¹¹⁵ Kodvwa loMesiya uyoba ngumProfethi-Nkulunkulu. Uyoba ngumProfethi-nalokwengetiwe. Uyoba ngetulu kwemprofethi. Uyoba ngumProfethi-nengetulu. Ngiyohamba nawe ngalelinye lilanga.”

¹¹⁶ Kwangatsi ngiyabona ngibona Andreyo, ke, achubekela ngale enkonzweni kuva Jesu waseNazaretha, wase-ke uta ekhaya futsi wamtjela tintfo letitsite letenteka. Ngako ngelilanga lelilandzelako mhlawumbe Simoni wancuma kutsi bekatohamba.

¹¹⁷ Futsi niyakhumbula, wanikwa tikhiya, Simoni bekanguye, kamuva. Bekangumuntfu longanaki lutfo. Akaphumanga kunoma nguliphi lemasemina, noma ngusiphi setikolwa tabo teliBhayibheli. Bekangakwati ngisho kusayina ligama lakhe lucobo, Simoni Phetro. LiBhayibheli latsi bekangiko kokubili angati lutfo futsi angakafundzi, kodvwa bacaphela kutsi bekakadze anaJesu. Manje, leyo yintfo lemcoaka. Leyo yiPhentekhosti yeliciniso. Niyabona na?

¹¹⁸ Manje, sitfola kutsi wehla futsi mhlawumbe wahamba wenyuka na-Andreyo, nesicuku lesikhulu sebantfu lapho. Futsi watsi nje angangena emehlwani eNkhosi Jesu, amangele kutsi BekanguMesiya yini. Manje, sitofola kutsi Mesiya bekayini.

¹¹⁹ Futsi watsi nje angangena eBukhoneni baMesiya, Wambuka, futsi Watsi, “Ligama lakho unguSimoni, futsi uyindvodzana yaJonase.” O, hhe. Loko kwakwenele kwakhe. Akusiko kuphela kutsi Bekati kutsi bekangubani, Bekamati lowobabe lomdzala lomesabako nkulunkulu lobekamtjelo kutsi Bekatoba yini. Loko kwakucatulula ingunaphakadze. Lowo kwakunguMesiya. Yebo, mnumzane.

¹²⁰ Uma lowo kwakunguMesiya itolo Atenta atiwe kubaKhe luCobo, lowo nguMesiya namuhla Atenta atiwe kubaKhe luCobo. Khumbulani: kubaKhe luCobo. Sitofika kuloko emzuzwini.

¹²¹ Manje, kwakuyini na? Kwakunalabanengi labeme lapho, mhlawumbe, labangakucondzanga loko. Kodvwa Simoni bekakwati, ngoba bekabuke lolohlobo lweMuntfu. Bekaholwa nguMoya. Bekati ngemBhalo kutsi lowo kwakunguMesiya impela. Akamati kuphela, kodvwa Bekamati uyise, futsi wabita omabili emagama abo.

¹²² Futsi nako kume indvodza lapho ligama lakhe linguFiliphu, naFiliphu watsi, “Awusho, nguloko-ke. Ngiyati kutsi loyo nguMesiya.” Futsi wagega ligcuma, emamayela lalishumi nesihlanu agega ligcuma, kutfola umngani kutsi amtjelo ngako.

¹²³ Kukhona *lokunye lokutsite*, uma impela utfola umbono waKhristu, awukhoni kuthula. Ufanele utjele umuntfu lotsite ngako. Kutsintfwa nguYe nje, futsi kubeka umphefumulo wakho uvutsa emalangabi.

“Ngifanele ngitfole... Nginemngani ligama lakhe linguNathanayeli. Uyindvodza lenkhulu. Usifundziswa lesikhulu.” Futsi wagega intsaba.

¹²⁴ Mhlawumbe kwakusikhatsi sakusihlwa ngesikhatsi angena. Wanconcotsa emnyango, naNkkt. Nathanayeli uta emnyango. “Yebo-ke, uma kungesuye umngani wetfu Filiphu.”

“O, uphi Nathanayeli?”

“Welula tinyawo lapha ngaphandle engadzeni.”

¹²⁵ Wesuka wahamba ngaphandle engadzeni, futsi watfola, ngephandle lapho ngaphansi kwemkhiwa, watfola Nathanayeli phansi ngemadvolo akhe, mhawumbe, utsi, “O Nkhosi Nkulunkulu, Wasetsembisa kukhululwa. Sikubhekile. Besisolo sikulindzele. Utokwenta nini, O Nkhosi Nkulunkulu na? Ngilindzele lesosetsembiso Losiniketako.” Wasukuma, futsi watsintsinta lutfuli etimpahahleni takhe-takhe *kanjalo*, futsi wagucuka, futsi ngubani lobekeme lapho ngaphandle kwaFiliphu.

Watsi, akungabateki, “Filiphu, mngani wami.”

¹²⁶ Futsi ngaphambi kwekutsi asho noma yini, “Nichuba kanjani na? Tihlahla tilungile na?” bekanemlayeto lophutfumako, intfo letsite sibili. Watsi, “Wota, ubone kutsi Ngubani lesimtfolile.” O, ucondze ngco emakini. “Wota ubone kutsi Ngubani lesimtfolile, Jesu waseNazaretha, iNdvodzana yaJosefa. UnguMesiya. Ngiyati kutsi UnguMesiya.”

¹²⁷ O, manje, kwangatsi ngiyambona Nathanayeli atsi, “Manje, Filiphu. Manje, ngiyati tifundvo letinengi teliBhayibheli lesibe nato, letinengi letikolwa letinhle lesibe nato ndzawonye. Futsi siyati, wena nami siyati... .

¹²⁸ “Manje, kwentekeni, Filiphu na? Ngabe sewuhambe wakhalakatsela ekujuleni ndzawanatsite? Yebo-ke, kwentekeni kuwe, Filiphu na? Manje, ungeti utongitjela kutsi—kutsi loMesiya angake aphume eNazaretha. Manje, siyati, sivile ingcoco yekugcina yaKheyifase, kutsi ngalelinye lilanga Mesiya uyofika, futsi mhawumbe uyofika ehle njengendiza, uyati, ngaphandle ngco emagcekeni elithempeli.

¹²⁹ “Uyofika enhlanganweni yetfu, ngoba ingulenkhulu kunato tonkhe lekhona eveni. Futsi Bekatofika ngco... Futsi uma Angeti kuwefu, singeke sikukholwe. Asinawutihlanganisa ngalutfo nako, asiyubambisana nabo bonkhe labanye. Cha. Kufanele... Utofika kitsi. Ngitsi. Futsi Uyophuma avela lapho, futsi Uyokwenyukela kuKheyifase, umphristi lomkhulu, umbhishobhi wetfu, futsi atsi, ‘NginguMesiya. Sengifikile

manje kutokwengamela.' Impela nguleyondlela lokutokwenteka ngayo."

¹³⁰ Lowombono awukaze ushiye bantfu. Kunjalo. Kodvwa niyati kutsini? Nkulunkulu wenta tintfo ngendlela Lafuna kutenta ngayo. Ngalokuvamile ukwenta ngalokuphambene nendlela sonkhe silungele kulemukela ngayo, kute A-Akhone...

¹³¹ Yebo-ke, U-Utifihilile Yena lucobo emehlweni alabahlakaniphile nalabanekucondza, futsi watembula Yena lucobo ebantfwaneni bona labatotifoba futsi bafundze ngaYe. Manje, ngekushesha, bukisisani kutsi kwentekani.

Kodvwa sengiyamuva Filiphu aya kuye ngentfo letsite leyayivuma, hhayi emavi latsite Lebekawashito, kodvwa intfo letsite Lebekayentile.

Manje, ngiyamuva atsi, "Nathanayeli, usifundziswa lesikhulu semBhalo."

"Yebo, mnumzane."

"Nhloboni yeMuntfu Mesiya layoba ngiyo?"

"Kungani, Mesiya uyoba ngumProfethi."

¹³² "Yebo, mnumzane, liciniso lelo, ngoba Mosi wasitjela, umholi wetfu, bekanguye, noma, emavi akhe sincike kuwo, futsi sifanele setsembele kuwo, kuze kwefika umProfethi. Futsi Uyoba nguMesiya, futsi uyokhombisa sibonakaliso saMesiya."

"Yebo."

¹³³ "Yebo-ke, loJesu waseNazaretha lelengikhuluma ngaye... Uyamkhumbula lowomdwebi lomdzala entasi lapho labambita Simoni, nayitsenga lenhlanti kusukela ngalesosikhatsi, futsi yayingakwati ngisho kusayina sigcebhezane sayo?"

"O, yebo. Bengimati, futsi bengimati uyise kahle."

¹³⁴ "Yebo-ke, ngalelelinye lilanga umnakabo wamkhuphulela etetsamelini lapho Jesu bekeme khona. Wacalata, watsi, 'Ligama lakho unguSimoni. Uyindvodzana yaJonase.' Uyabati bobabili."

"Futsi Wakwenta loko?"

"Yebo."

"Ngubani lowaMtjela ngako na?"

¹³⁵ "Akukho muntfu. Simoni waletfwa ngu-Andreya nje, umnakabo, wenyukela lapho. Uyati bekungeke kungimangalise kuphela loko Latokutjela kona kutsi ungubani uma ufika lapho."

"Yebo-ke, angati ngaloko manje. Ngifanele ngibone. Niyati, sengibe libandla lemtsetfo sikhatsi lesidze. Ngako, ngito-ngitodzingeka ngibone ngaloku."

¹³⁶ Futsi intfo yekucala niyati, ngelusuku lolulandzelako ngesikhatsi benyuka, yebo-ke, bangahle kube bete elayinini

lalabakhulekelwako, noma bangahle kube beta etetsamelini. Angati. Empeleni, watsi nje Jesu angambona kwekulala, Jesu wabuka ngco ngakuye, watsi, “Bukani umIsrayeli, lokungekho nkohhliso kuye.” Loko kwakhipha lesitashi kuye. Kutsi . . .

¹³⁷ Watsi . . . Manje, mhlawumbe labanye babo bema lapho, batsi . . . Yebo-ke, namuhla bebangatsi, “Ngani, impela, bekatokwati kutsi bekanguloko, ngoba indlela lebekagcoke ngayo, bekangum-Israyeli.” Cha, cha. Bonkhe basemphumalanga bagcoka ngalokufanako. Bekangaba ngum-Arabi. Bekangaba ngumGrikhi. Impela, bonkhe bamnyama, bagcoka gla- . . . bebanesilevu netigcoko, netembatto ngalokufanako.

Wa—Watsi, “Bukani umIsrayeli, lokungekho nkohhliso kuye.”

O, kwamtfola kabi kabi. Watsi, “Rabi, Uke wangibona nini na?”

Watsi, “Ngaphambi kwekutsi Filiphu akubite, ngesikhatsi ungaphansi kwestihlahla, Ngikubonile.”

Mlaleleni. “Rabi, Wena uyiNdvodzana yaNkulunkulu; Wena uyiNkhosi ya-Israyeli.” Niyabona, Atatisa kuBakhe luCobo.

¹³⁸ Manje, kwakukhona labo labema ngakubo labatibita ngebaKhe luCobo. Lomunye wabo wema ngakuYe, wase utsi, “Uyati kutsini? Ngifanele nginikete imphendvulo yemabandla etfu. Aketanga enhlanganweni yetfu. Ngako sitolitjelani libandla ngako, uma ba . . . ? Sifanele si—sifanele sisho lokutsite, ngoba kukhona intfo leyentiwa. Ngako si . . . Sitolitjelani ke libandla letfu?”

Lomunye wabo watsi, “Ngitokutjela.” Umkhandlu lomncane webufundisi ngale ekoneni watsi, “Kwadeveli. Kunjalo impela.”

¹³⁹ Kodywa abakhonanga kukufihla kuYe. Wagucuka, atfola imicabango yabo. Watsi, “Nisho loko ngekumelana naMi, iNdvodzana yemuntfu, Ngitonitsetselela ngako,” kodywa manje, kuhlatiya leLivi, “kodywa ngalelinye lilanga, Moya loNgcwele uyofika, ente intfo lefanako. Livi linye lelimelene nalo aliyuze litsetselewe kulelive, ngisho naseveni lelitako.” Sono lesingenakutsetselelwa, kubita uMoya waNkulunkulu lowenta imisebenti yebuMesiya, njengoba Enta, umoya longcolile njengembhuli.

¹⁴⁰ Watsi, “UnguBhelzebule, umbhuli. Ufundza tingcondvo tabo. U—Unekufundza umcabango, kufundza ingcondvo, futsi Angayifundza imicondvo yabo. Nguloko Lakwentako.” Bebaneke basho kutsi Bekangakwenti, ngoba khona lapho kwakukhona, embikwebantfu.

¹⁴¹ Kodywa bukani lamadvodza lebekagcotjelwe kuPhila. O Nkulunkulu! Ligama lawo alinakufa namuhla. BaseNkhatimulweni naKhristu. Bakucondza kutsi

kunguMesiya. Watsi, “Wena unguKhristu, iNdvodzana yaNkulunkulu lophilako, iNkhosi yaka-Israyeli.”

Watsi, “Ngoba ngikutjele loko, uyakholwa na? Khona-ke wotani nihambisane naMi. Nitobona lokukhulu kunaloku.” Kodvwa ngoba wakholwa!

¹⁴² Manje, uma leso kwakusibonakaliso saMesiya itolo, futsi UnguMesiya lofanako namuhla, kutodzingeka kube yintfo lefanako namuhla njengoba bekunjalo itolo. Watibonakalisa kanjalo-ke Yena lucobo eBandleni laKhe.

¹⁴³ Manje, kunetive letintsatfu kuperhela tebantfu emhlabeni. Lowo nguHamu, Shemu, nebantfu bajafethe; futsi ngalolosuku, lobekatsatfwa ngekutsi liJuda, weTive, nemSamariya. Manje, beTive, tsine ema-Anglo-Saxon, sasingemahedeni ngaletotinsuku. Sakhonta tithico, kubaseRoma, nakanjalonjalo, nemaklabhu emihlane yetfu; futsi sasingafuni kwasaMesiya. Futsi khumbulani, Mesiya uyeta kuperhela futsi Abonakalise kulabo labaMfunako.

¹⁴⁴ Sizatfu singatboni letintfo leti namuhla, asitibuki ton. Sibuke emabandleni etfu, emahlelo etfu, takhiwo tetfu letinkhulu, kutsi sikhula kangakanani. Susa emehlo akho kuloko. Buka kuMesiya. Sisesikhatsini sekuccina.

Manje, caphelani kutsi kwentekeni. Khona-ke siyatfola kutsi Wefika. Manje, kune... Wenta... watibonakalisa kanjalo-ke Yena lucobo kumaJuda.

¹⁴⁵ Manje, sitotsatsa, siphene emakhasi lambadlwana kuJohane loNgewe, sahluko 4. Bekaya eJerikho. Uma noma ngubani ake waba sePhalestine, kusentasi ngaphansi kweJerusalema. Ngulapho la Bekakhona endleleni yaKhe. Kodvwa Bekanesidzingo, kutsi endlule ngaseSamariya etulu entsaben. Angati kutsi kungani? Manje, kuJohane loNgewe 5:19, 5:19, nitofundza loku: “Ngicinisile, ngicinisile, Ngitsi kini, iNdvodzana ingeke yente lutfo ngekwaYo, kodvwa loko Lakubona Babe akwenta...” Niyabona, BekanguProfethi, incenye yemProfethi yaKhe. Manje, Ungetulu kwemprofethi. Ningacabangi kutsi ngiMvumela abe ngumprofethi. Angikwenti.

¹⁴⁶ Ngive Dzadze Florence ahlabela esikhashaneni lesendlulile. Ngitsanza kutsi yena, ngalobunye busuku, entasi lapha, kutsi ahlabela, *Phansi Avela eNkhatimulweni yaKhe*. Ngiyalitsanza leloculo. Liveta buNkulunkulu lobukhulu baJesu Khristu. Etinsukwini lapho betama kuMenta umprofethi nje, BekanguNkulunkulu-mProfethi. Bekangetulu kwemprofethi. BekanguNkulunkulu lobonakalisiwe; kodvwa sibonakaliso saKhe saMesiya sasingumprofethi.

¹⁴⁷ Manje, sitfola kutsi uma siMbona lapho, eme lapho; bese wenyukela eSamariya. Manje, emaSamariya futsi bekaliJuda neweTive incenye, labakhonta Nkulunkulu. Manje, sitfola kutsi

Wenyukela lapho, futsi kwakucishe kube yinsimbi yelishumi nakunye noma yelishumi nakubili nco. Watfuma bafundzi baKhe kutsi bayotsenga lokudliwako, kudla; waya entasi eSamariya. Wahlala phansi emtfonjeni, mhlawumbe endzaweni lebonakala yonkhe, intfo lenjengalesitfombe lesihle emuva lapha, ahleti ngephandle lapho emtfonjeni. Uma wake waba seSamariya, futsi caphela umtfombo wesive wasedolobheni lapho, usasolo ulapho.

¹⁴⁸ Futsi kwakucishe kube yinsimbi yelishumi nakunye emini. Kwakukhona wesifazane lophumela kutokha emanti. Ake sicabange kutsi bekamuhle, njengalabanye babodzadze banamuyla, kuphela kwakuhlukile kancane. Khona-ke sitfola kutsi u...[Libandla liyahleka—Umhl.] Ya. Bengicabanga ngaye, ngitoba ne...ngimente abe netinwele letindze.

¹⁴⁹ Bengicabanga ngalowo wesifazane lowageza tinyawo taJesu, niyati, netinyembeti takhe futsi watesula ngetinwele takhe. Bekatoba nesikhatsi lesimatima...Bekayofanele eme enhloko yakhe namuhla kutsi atfole tinwele letenele entasi lapho kutsi atsanyeleye tinyawo taKhe ngato. Batihhule tonkhe. LiBhayibheli latsi, “Yinkhatimulo yakhe,” ngako wavele wajuba inkhatimulo yakhe. Angati kutsi kungani. Mhlawumbe bekabukeka umuntfu lotsite etulu lapha bekacabanga kakhulu ngako, enhla eHollywood. Kodvwa noko...

¹⁵⁰ Ni—nitongibita ngeluhlanya. Nitongibita ngeluhlanya uma nifuna, kodvwa ngeluSuku lekwaHluelwa nitotfolia kutsi ngu ISHO KANJE INKHOSI. Kunjalo. Akumangalisi sinelibandla lelifako; lelingafi, kodvwa lifile. Kunjalo. UMoya waNkulunkulu uyadzabuka futsi usukile kulo. Tindlela tetfu tiMDzabukise wahamba. Kwehlukana kwetfu, nekungabinandzaba kuYe, nguloko lokukwentile. Angifuni kunilimata. Angikho lapha kutonilimata. Ngilapha kutsi nginivuse. Nkulunkulu sihawukele.

¹⁵¹ Siphe emandla nesibindzi sekuhlala eVini laNkulunkulu, siLiletse kungakhatsaleki kutsi lichaza kutsini, kutsi litsini. Sitsatsa bafundisi kutsi bangenise imali, kuncemphetisa, kutsi bagijime netembatfo takumabonakudze, netintfo letifana naletu, banchemphetisa ngebantfu. Hhayi mine. Ngingamane ngilale ngesisu sami, futsi ngnatse emanti ashukela, futsi ngidle imicatsane ye-soda, futsi ngishumayela liciniso, kunekutsi ngime lapho embikwelibandla ngeluSuku lekwaHluelwa, futsi ngilahlwe kanye nabo.

¹⁵² UMBuso wami awusiwu walelive. Imicebo yami ayikho kulelive. Ingcebo yami iseZulwini, nekukhatsalela kwami bantfu baNkulunkulu, liBandla laKhe.

Ungatifananisi nemfati walomuny’umfundisi, noma umfati wemfundisi lotsite, noma umkamvangeli. Tifanekise emvakweliBhayibheli. Kunjalo.

¹⁵³ Namuhla sifanele sihambelane. Wesifazane angagcoka ingubo letsite ebandleni, noma atfole sitayela lesitsite etinweleni, futsi wonkhe wesifazane ufunu kugcoka intfo lefanako. Kwenta intfo lefanako kubo bobubili bulili. Anginandzaba kutsi libhantji lami liyahambelana nelibhuluko lami noma thayi wami uyayahambelana nelishethi lami. Ngifuna lwati lwami luhambelane neliBhayibheli laNkulunkulu. Ngulolohlobo lwekufananisa lesikudzingako namuhla, imvuselelo yalolohlobo yekufananisa, neMoya waJesu Khristu aphila emkhatsini wetfu.

Loko yi... [Akucoshwanga etheyiphini—Umhl.]

¹⁵⁴ Bangeke bahlangane ndzawonye njengoba benta enhla lapha eLos Angeles, nangakhona lapha. Bangeke bahlangane ndzawonye. Ungeke kusho lomunye kulomunye manje. Bonkhe babukeka bafana. Letotinsuku kwakwehlukile. Uma wesifazane bekakabi, bekabekwe lumphawu lwalababi. Abetihlalela yedvwa; abengathlangani nalabanye babo. Manje, kufana nje nekutsatsa li—licanza bese uyahamba ulichobote ekhatsi nalo. Kutfola yonkhe intfo ibemtfubi. Niyabona na? Ngako kungulokoke manje.

¹⁵⁵ Bukan, bengifundza lapha lapho saga-..., timphendvuketelo, njalo, esiveni sonkhe naseLos Angeles, kutsi kukanjani; o, kubi kakhlulu. Kwandza kwenu cishe ngemaphesenti langemashumi lamatsatfu ngetulu kwemnyaka lophelile. Lenje pho i... Ngani, yiSodoma.

¹⁵⁶ O, kwangatsi Nkulunkulu angatamatamisa bantfu lapha, umuzwa, imvuselelo ndzawanatsite letotamatamisa libandla lePhentekhostali libuyele emizweni yalo futsi, akhafuna uMlilo etikwetetsameli kutsi bantfu bangalicondza leli-awa lesiphila kulo, bahleti balele butfongo, njengoba, kusobala liBhayibheli latsi bayokwenta, ngiyacabanga. Yebo-ke, nako laph'ukhona.

¹⁵⁷ Manje, lona wesifazane uyaphuma. Futsi yena, mhlawumbe uphuma ngalesosikhatsi; mhlawumbe abephumile busuku bonkhe futsi walala kwate kwaba ngulesosikhatsi. Kodvwa nomakanjani, waphuma neludziwo. Wabeka tintsambo letincane ngaphansi, nemahhuka lamancane, wase wehlisa sigwedlo kutfola emanti. Futsi ngesikhatsi atsi udvonsa emanti akhe, weva uMuntu lotsite atsi, "Sifazane, Nginatsise."

Manje, khumbulani ungumSamariya. Manje, Wakhombisa lesibonakaliso lesi saMesiya kumaJuda. Manje, nankha emaSamariya. "Sifazane, Nginatsise."

¹⁵⁸ Watsi, wabuka ngale, wase utsi, "Ngani, manje," ngitokwenta, ngikuhatiye, "sinelubandlululo lapha. Akusilo lisiko kuWe, uliJuda, ungiciele, wesifazane waseSamariya, intfo lenje pho." Futsi watsi...

¹⁵⁹ Mhlawumbe bekahleti lapho, kutsi A—Bekangesiyo kodvwa iminyaka lengemashumi lamatsatfu nentfo budzala, kodvwa

umBhalo watsi, Johane loNgewe 6, watsi Bekabukeka anemashumi lasihlanu. Watsi, "Awusuye umunfu loneminyaka lengemashumi lasihlanu budzala futsi utsi ubone Abrahama."

¹⁶⁰ Watsi, "Angakabikhona Abrahama, NGIKHONA." Kunjalo. Niyabona na? Mhlawumbe umsebenti waKhe waMephula, angahle abemphunga kancanyana, noma lokutsite.

¹⁶¹ Ngesikhatsi Asehleti lapho futsi bekaMbuka, Indvodza lebeyibukeka ineminyaka lengemashumi lasihlanu ihleti ngaseceleni kweludvonga, watsi, "Akusilo lisiko kutsi nine maJuda nisicele tsine maSamariya."

¹⁶² Watsi, "Kodvwa kube bewati kutsi Ngubani lobewukhuluma naye, bewutocela kiMi emanti." Bekentani na? Manje, nitodzingeka nitsatse livi lami ngaloku. Beketama kuchumana nemoya wakhe. Nkulunkulu bekaMtfume entasi lapho. Nkulunkulu wangitfumela kulelibandla. Anginati. Niyabona na? Angati namunye wenu.

¹⁶³ Kodvwa Nkulunkulu bekaMtfume enhla lapho. Bekanesidzingo sekuya ngaseSamariya. Ngani na? Bebabheke Mesiya. Bekafanele, enyukele etulu futsi abakhombise kutsi BekanguMesiya. Ngako Wahlala lapho. Lona wesifazane watsi, wakhulumnaYe, watsi, nganca yelikheli, watsi, "Lomtfombo ujulile, futsi Awunalutfo longakha ngalo." Watsi, "Bobabe betfu bakhuleka kulentuba, nakanjalonjalo, futsi Wena utsi eJerusalem..." Nengcogeo yachubeka.

¹⁶⁴ Beketama kwenta ini na? Kutfola kutsi ikuphi inkhatsato yakhe. Manje, lalelisani manje. Tfola kutsi inkhatsato yakhe yayikuphi. Manje, kuyini na? Mesiya utotentu Yena lucobo atiwe kubaKhe luCobo eSamariya (Niyabona na?), kumaSamariya. Kutsi Wakwenta kanjani kumaJuda, Ufanele ente intfo lefanako kumaSamariya. Impela. Ufanele abite baKhe luCobo ngalokufanako...

¹⁶⁵ Niyakhumbula kutsi ngitsiteni itolo ebusuku na? Uma Nkulunkulu ake ente sincumo kwenta intfo ngendlela letsite, Utofanele akwente ngasosonkhe sikhatsi ngendlela lefanako. Uma Angakwentanga, Wente liphusa ngesikhatsi Akwenta kwekucala. Niyabona na? Awuniki ngisho lucetu lunye lwasinkhwa semmbila nalolunye lucetu lwelikhhekhe. Konkhe kuyafana, impela nje. Niyabona na? Manje, caphelani, Unguye, U—U—Ungulongenapasiphetfo, lophelele, lonemandla onkhe, losetindzaweni tonkhe. Manje, sibonile lapho kutsi lomSamariya, manje, Utotatisa kanjani Yena lucobo kumSamariya? Umbuto usemkhatsini waKhe newesifazane.

Futsi emvakwekuba Sekambukile imizuzu lembalwa, Babe bekaMtfume enhla lapho, ngako Wa—Watsi, "Hamba, ulandze indvodza yakho bese nita lapha."

Watsi, "Anginandvodza."

“O,” Watsi, “kunjalo. Bewunalasihlanu, nalena lohlala nayo manje ayisiyo indvodza yakho. Ngako ushito kahle.”

¹⁶⁶ Ngikubona kahle loko, sicuku lesikhulu setinwele letiphotsekile tiwela phansi etikwemahlombe akhe, nemehlo akhe lamakhulu lansundvu, netinyembeti tehla etihlatsini takhe. Watsi, “Mnumzane, ngiyabona kutsi UngumProfethi wena.” Kwehluke kakhulu kangakanani kuleyongwadla, nalabo bashumayeli. Beyati kakhulu ngaNkulunkulu kunehhafu yabo. Kuyindzaba lenkhulu ngaleyondlela namuhla, futsi. Kunjalo. Ya.

¹⁶⁷ Yatsi, “Mnumzane, ngiyabona kutsi UngumProfethi wena.” Watsi, “Siyati, tsine Mess-...tsine maSamariya, siyati kutsi uma Mesiya efika, leso kuyoba sibonakaliso Layosenta. Ngako ufanele kuba ngumProfethi waKhe Wena. Siyati uma Mesiya efika, Utositjela letintfo leti; kepha Ungubani Wena?”

O, hhe. Akuzange sekubekhona kodvwa Munye lobekangasho loku. Watsi, “NginguYe lolokhuluma nawe.”

Lowesifazane wakucondza. Lowo kwakunguMesiya lebekafundziswe kutsi bekatofika. Bekati kutsi Bekatoba ngumProfethi, umProfethi-Nkulunkulu. Ngako watsi...

¹⁶⁸ Wawisa imbita yakhe yemanti, noma, wayibeka phansi, noma ini, wase ugijimela edolobheni. Futsi bukisisani umlayeto wakhe. Wagijima wangena, watsi, “Wotani nibone uMuntfu Longitjele tintfo lengitentile. Akusiso yini sona kanye sibonakaliso saMesiya na? Ngabe akusuye yena kanye loMesiya na? ImiBhalo yetfu ayisitjeli yini kutsi uma Efika, nguloko Latokwenta na?”

¹⁶⁹ NeliBhayibheli lasho kutsi bantfu balelodolobha baMkholwa kutsi unguMesiya ngenga yebufakazi balowesifazane Lebekamtjele tintfo lebekatentile. Ngabe lowo ngumBhalo na? Johane loNgewe 4.

¹⁷⁰ Manje, ngiyabona sikhatsi sami siyabaleka, ngako ngitodzingeka ngisheshise manje futsi ngibe nelilayini lalabakhulekelwako. Angifuni kunihlalisa sikhatsi lesidze kakhulu. Niyabona na? Kodvwa lena, njengoba lena kuyinkonzo yekuphilisa yekugcina, ngekwati kwami manje, kuze kube liSontfo ebusuku. Kodvwa manje, lindzani. Asengitfolesesinye lesincane—lesincane sandvo lapha kujuba lesipikili lapha kusenta sinamatssele.

¹⁷¹ Manje, kwakunemajuda: Watenta kanjani Yena watiwa kumaJuda njengaMesiya na? Ngekukhombisa kutsi BekanguNkulunkulu-mProfethi. Ngabe kunjalo na? Nonkhe niyavumelana naloko na? Manje, khumbulani, baKhe luCobo, baKhe luCobo. Lalamanye emaJuda, emaJuda lajwayelekile nje, labobafundisi belizinga, nebafundisi basesontfweni beme lapho ne D.D.D., Ph.D., LL.D., beme lapho, niyati, nabokhololo babo babhekiswe emuva, kuze batsi, nemishuculo bayembetse,

nako konkhe kanjalo, batsi, “Ku—kukufundza ingcondvo. Unga... Niyabona na? Buka licembu lakhe. Buka kutsi uvelaphi. Utocala ngani na? Uvela kusiphi sikolwa? Wakufundzaphi loku? Asinarekhodi ngaye ngisho angenela emasemina etfu, ngako niyati kutsi angeke alunge. Akasuye we-Assemblies. Akasuye weBakamunye. Akasuye wellBandla laNkulunkulu, iBaptisti, iPresbyterian, noma iKhatolika. Asinako lokubhalwe ngaye etikolweni tetfu.”

¹⁷² Ngiyati ngiyalimala, kodvwa make wami bekavamise kungitjela... Sasibantfwanyana, si... wena... sasihlala—sihlala siphuye kakhulu, emuva lapho etintsabeni, sasidzingeka si—sidle sinkhwa semmbila, niyati, futsi sitfole emafutsa enyama yengulube. Sasitfola futsi sente kudla kwemmbila. Futsi njalo ngeMgcibelo ebusuku sasidzingeka si—sigeze bese sinatsa litsamo le-khasta oyili. Ngako sasilungela liSontfo ekuseni, sibuyele esikolweni. Be—bekukubi kakhulu, kudla kwetfu—kwetfu, sasitfola tifo tendlala nayoyonkhe intfo. Imibhidvo ye-theniphu, netinhlumaya, nesinkhwa semmbila, natiliga wemabele, nguloko cishe lesakhuliswa ngako. Ngako sasitsatsa leyo-khasta oyili, naMake bekavamise ku... Ngangiba wekucala kuyinatsa, ngangitsi, “O, Make. Ngiyacela, ngiyacela, ingenta ngigule kakhulu.”

Futsi bekatsi, “Uma ingakugulisi, ayikusiti ngalutfo.”

¹⁷³ Ngako mhlawumbe loku kutoshukumisa tigayo takho takamoya ndzawanatsite, letitokwenta ulunge futsi ugule; lokutokwenta bantfu bahlole imiBhalo, ngoba Iliciniso. ILivi laNkulunkulu. NgiYo lengenakuphosisa. NgiYo lefakaza ngaMesiya. Amen. Uma neLivi laKhe. Amen.

¹⁷⁴ Angiti “ameneli” mine, kodvwa *amen* uchaza kutsi “akube njalo.” Ngi—ngiyakukholwa ngenhlitiyo yami yonkhe, kutsi emazulu nemhlaba kutawendlula, kodvwa leloLivi lingke lendlule.

Caphelani, lona wesifazane waseSamariya. LomSamariya bekafanele acondze kutsi BekanguKhristu.

Manje, “Kutsiwani-ke ngebeTive, Mnaketfu Branham? Ubashiya ngephandle.”

¹⁷⁵ Akukho ngisho nayinye indzawo emBhalweni lapho Ake enta khona leso sibonakaliso embikweweTive. Kutfoleni futsi ningikhombise kona. Akukho lapho. Cha, mnumzane. Akukho lapho. Wakhombisa sibonakaliso saKhe sebuMesiya kulabo lebebabbheke Mesiya. O, ngiyacela kucondzeni kahle loku. Leyo yintfo lefanako Layentako namuhl. Manje, ngitonikhombisa kutsi kungani.

¹⁷⁶ Manje, caphelani. Ngaphambi kwekutsi Ahambe, noko, Waprofetha ngemnyaka webiTive. Manje, emajuda, bekakadze abeneminyaka letinkhulungwane letine kutsi akholwe nguMesiya, nemaSamariya kusukela emuva le esikhatsini

saMosi, ngesikhatsi bashada nalabesifazane bakaMowabi, nakanjalonjalo, futsi behlukana base babangulabacubene hhafu, nakanjalonjalo. Manje, bonkhe bebakadze banayo yonkhe leminyaka babuke Mesiya, futsi kwakukhona labanye labacinisile-*enhliitiyweni* ekhatsi lapho, manje bukisisani: baKhe luCobo.

Kushoni kanye nami, “Bakhe luCobo.”

¹⁷⁷ Watenta Watiwa kubaKhe luCobo, manje bukisisani, labanengi bemaJuda abaMkhholwanga. Ngoba nje bebangemaJuda, loko kwakungesilutfo, kodvwa labo lebebaneligama labo eNewadzini yekuPhila kusukela kwasekelwa umhlaba.

¹⁷⁸ Niyakhumbula, liBhayibheli lapho kutsi konkhe, umphikukhristu etinsukwini tekugcina, lokwakutinhlangano tetenkholo...ngitofika kuloko kuleliviki, iNkhosi itsandza, noma evikini lelitako, niyabona (kulungile), futsi kufakazele kutsi ngumphikukhristu. LiBhayibheli lapho njalo. Kunjalo. “Futsi wakhohlisa bonkhe labahlala emhlabeni labo emagama abo bekangakabhalwa eNewadzini yekuPhila yeliWundlu, lelahlatjwa kusukela ekusekelweni kwemhlabu.” Kwakungalesosikhatsi ke. Niyabona na?

¹⁷⁹ Manje, labo laba, “Bonkhe labo Babe la (sikhatsi lesendlulile) laNgiphe bona batokuta kiMi. Timvu taMi tiyalati liPhimbo laMi.” Hhayi ngenca yeluhlobo noma sive, kodvwa, “Timvu taMi tiyalati liPhimbo laMi.” Manje, bukisisani.

¹⁸⁰ Manje, wena utsi lobo buCalvin. Angisuye wakaCalvin manje. Ngikholwa kutsi loko kuphepha kuhamba neliBandla. Kunjalo impela. Kodvwa uma useBandleni, uvikeleke kuko. Kodvwa ngabe useBandleni, intfo lelandzelako? Manje, ngulokoke. Hhayi ngoba utsi unguye, loko akukubeki lapho.

¹⁸¹ Manje, kodvwa, caphelani, mnaketfu, sendlule kulesosifundvo, sibuyela kuwesifazane waseSamariya. Manje, bukisisani kutsi Watsini lapho. Manje, watsi, “Ngani, impela. Siyat kutsi lowo nguMesiya. Uyokwenta lesosibonakaliso uma Efika.”

¹⁸² Manje, ngaphambi kwekutsi Jesu ahambe, eNewadzini yaLukha loNgcwele, Watsi, “Njengoba kwenteka emihleni yaseSodoma, kuyoba njalo ekubuyeni kweNdvodzana yemunfu.” Nike nakuva loko na? Manje, asi... Washo kucala, ngesikhatsi saNowa, Watsi baNowa: badla, banatsa, bashada, bendziselana.

¹⁸³ Kodvwa eSodoma, manje, asesicaphele. Manje, kuhlala njalo kunetigaba letintsatfu tebantfu. Tibukisiseni tisondzele. Manje, iSodoma yayimelele impela letigaba letintsatfu tebantfu, njengoba kwakunjalo ngesikhatsi saNowa, ngesikhatsi umhlaba ubhujiswa ngemanti. Manje, eSodoma yabhujiwa ngemlilo. Ngabe kunjalo na? Manje, caphelani. Kwakunetigaba letintsatfu

tebantfu netiTfunywa letintsatfu. Manje, Abrahama bekamelele “baKhe luCobo.”

Kushoni futsi: “Bakhe luCobo.”

Abrahama nelicembu lakhe bekangephandle kweSodoma, futsi lona kanye leligama lelitsi *libandla* lichaza kutsi “lababitelwe ngephandle, behlukaniswa.”

¹⁸⁴ Loti watsatsa kutikhetsela kwakhe ngetinhlangano takhe, futsi wehlela lapho, waba ngumphatsi-dolobha. Futsi umkakhe bekawayo yonkhe inhlangano, futsi agcoka sitayela saseHollywood, nakanjalonjalo. Niyabona kutsi kwentekani kuye na? Usasolo eme lapho njengensika yeluswayi. Manje, kodvwa lapho bekafisa kuba yiHollywood. Niyabona na? Bekafuna kufana nalo lonkhe live.

¹⁸⁵ Kodvwa Sara bekanguwesifazane lomuhle kunabo bonkhe emhlabeni wonkhe, wase utsatsa kukhetsa kwakhe nendvodza yakhe futsi bahlala ngephandle lapho kulabaphuyile belive, kute akhonte Nkulunkulu futsi abe yindlalifa yesetsembiso. Umehluko lonje pho.

¹⁸⁶ Manje, ngesikhatsi tintfo tihamba kamatima, hhayi letinkhulukati, tintfo letinhle, kodvwa tihamba kamatima: Ngalelinye lilanga Abrahama bekahleti emtfuntini wem-okhi, futsi wabuka ngephandle lapho, kufanele kutsi kwakukadze kungasemini, futsi wabona emaDvodza lamatsatfu eta, lutfuli kuto tonkhe timphahla taWo. Manje, bamba lemiBhalo lemibili, manje. Manje, waBabona, lutfuli kuto tonkhe timphahla taBo. Futsi Benyuka. Futsi Abrahama, anguwakamoya futsi alindzele kubona lesosetsembiso, masinyane (Bekangulo “bitwelwe ngephandle.”) wakucondza. Kwakukhona intfo lengakejwayeleki ngalawomaDvodza.

O, kusobala Bangahle kube batsi, “Sawubona, mnumzane? SitiHambi. Sivela kulelinye live.”

¹⁸⁷ Wahamba kuyohlangana nawo, watsi, “Wotani ngalapha nihlale phansi ngaphansi kwesihlahla. Ngitsandza kukhuluma naNi umzuzu nje. Ake ngilandze emanti lamancane futsi ngigeze tinyawo teNu, futsi ngiKuphe lucetu lwesinkhwa. Besekke Nichubeka nendlela yenu. Hlalani phansi. Kungako Nita ngalapha. Nkulunkulu uNitfumele ngalendlela kute ngikhone—ngikhone kuNentela loku.”

“Yebo-ke,” Batsi, “hamba, akube njalo,” futsi wahamba, bahlala phansi.

¹⁸⁸ Sengiyambona angena, atsi, “Sara,” emuva le ethenedeni, watsi, “bhucha kolo lomncane. Tfola sisefo, bese usefa imphuphu lencane lapha, noma lokutsite, bese wenta emacebelengwane etiko.” Futsi waphuma wase utfola linkhonyane lelincane lelikhuluphele, wase uyalibulala, futsi walinika inceku, watsi, “Lilungise.”

Futsi walungisa konkhe, futsi wakukhipha embikwaKhe, wahlala phansi. Manje, bukisisani.

¹⁸⁹ Njengoba kwakunjalo eSodoma, kutoba ngalendlela, ngoba lesi sikhatsi lesivutsako. Niyakukholwa loko na? Kuncono ukukholwe, uma ihayidrojini, nemabhomu e-athomu, nema-sputniki, nayoyonkhe lenye intfo indiza ngakuwe, kuncono ukukholwe, ngoba kuyeta.

¹⁹⁰ Caphelani. Manje, kwentekani na? Naku lokwenteka. LetiNgelosi tahlala lapho kancanyana, letintsatfu taTo. Tatisolo tibuke ngale eSodoma. Emvakwesikhashana... Manje, khumbulani, letimbili tato taya entasi eSodoma. Bangakhi lokwatiko loko? Letimbili tato taya entasi eSodoma, futsi tashumayela. O, Billy Graham we—wesimanje, niyabona, wehlela eSodoma, ngoba kwakuhkona... Loti bekasentasi lapho, lobkamelele likholwa lelisivuvu, likholwa lelisemnceleni, umnaketfu welihlelo. Bekasentasi lapho eSodoma nalo lonkhe live. Libandla lakhe lonkhe lalilelive nako konkhe lokunye. Kodvwa bekasentasi lapho.

¹⁹¹ Futsi batfumela Billy Graham wesimanje entasi futsi washumayela kubo, akukho mimangaliso, wabashaya kuphela ngebumphumphutse; nekushumayela kweliVangeli kushaya longakholwa ngebumphumphutse. Siyakwati loko. Hhayi—hhayi—hhayi kutsi Loti washaywa ngebumphumphutse, kodvwa, washaywa ngebumphumphutse, njalo, kodvwa labanye bashaywa ngebumphumphutse.

¹⁹² Manje. Kodvwa manje, siyabona kutsi hloboluni lwesibonakaliso labalwentile: washumayela liVangeli kangangekutsi waphumphutsekisa longakholwa sibili futsi wabita Loti kutsi aphume ngaphambi kwekutsi kwehle umlilo. Ngabe kunjalo na?

¹⁹³ Bukisisani loMfo, wasala ngemuva, sibonakaliso sini Lasiniketa libandla, “Bakhe luCobo.” Loyo Lowahlala ngemuva bekangessiyo iNgelosi. KwakunguNkulunkulu. LiBhayibheli latsi KwakunguNkulunkulu. Abrahama waMbita nga “Elohim,” lotiphilela yena Yedvwa, luhlavu lolukhulu N-k-h-o-s-i. Bekafanele ati. Bekanguye lolokhulumanaYe. Nkulunkulu...

Lomunye umfundisi wake watsi kimi ngalesinye sikhatsi—sikhatsi, watsi—watsi, “Ucondze kutsi lowo kwakunguJehova Nkulunkulu?”

Ngatsi, “Lowo kwakunguJehova Nkulunkulu. O,” ngatsi, “uyehluleka nje kutfola kutsi Mkhulu kangakanani.”

¹⁹⁴ Sentiwe ngani na? Tincenyе letilishumi nesitfupha: ikhalsiyamu, iphotashi, iphetroliyamu, kukhanya kwekhozmikhi. Wavele wagcwalisa sandla nje wase utsi “Whuu! Wota lapha, Gabriyeli, ngena kuloku.” Niyabona na? “Whuu!” Waphuphutsa munye ngalapha walelenye iNgelosi. “Whuu!” Wase utiphuphutsela Wakhe. Wehla ngco, wadla inyama

yelitfole, wanatsa lubisi loluvela enkhomeni, wadla sinkhwa semmbila, futsi wanyamalala khona ngco embikwa-Abrahama. Niyabona na?

¹⁹⁵ Yebo-ke, lowo nguNkulunkulu lokitsi. Ngingahle ngingabi sipunu lesigewelesemilotsa, noma kanjalo nani ningeke, kodvwa Angakhona kukhuluma (Haleluya!), Ngitawuphuma. Utongibita. Ngiyajabula kutsi Uyangati, futsi ngiyajabula kutsi ngiyaMati. UnguJehova. Nango lapho Bekakhona. Bekamelele ini Yena? Kutsi Bekatoba yini etinsukwini tekugcina, ahlala enyameni.

¹⁹⁶ Manje, bukisisani. Manje, sitfola kutsi ku... Ake sibone kutsi hloboluni Iwesibonakaliso Lasiniketa baKhe luCobo. Lokufanako njengoba Enta ngesikhatsi Efika emhlabeni, Nkulunkulu entiwe inyama kuKhristu. Manje, caphelani, Bekafulatsele ngemhlane waKhe. Futsi Watsi, "Abrahama (Wati kanjani kutsi bekanguAbrahama?), uphi umkakho, Sara?" Ini? Uyati nekutsi ligama lakhe kwakungu-Abrahama, wati kutsi bekashadile, futsi bekanemfati, neligama lakhe kwakunguSara.

Abrahama wamangala, watsi, neliBhayibheli ngalokucondzile litsi Abrahama watsi, "Usethendeni emvakwaKho."

¹⁹⁷ Besifazane bebangenti ngalesosikhatsi njengoba benta manje: bagijima baphume, futsi babene, batsatse indzawo yendvodza yabo, futsi bangenele onkhe emabhizinisi, futsi bavote nakutepolitiki, futsi bafake bantfu labanjengalonabasanza kumfaka nje, netintfo letinjalo. Cha. Abakwentanga ngalesosikhatsi. Cha. Bebatii kakhulu ngaNkulunkulu. Sara wabita Abrahama nge "nkhos."

Manje, watsi, "Ulathendeni emvakwaKho." Ethendeni emvakwaKho.

¹⁹⁸ Watsi, "Abrahama (Lalela!), Mine (O, sihawukele! *Mine*, lesosabito selucobo futsi), Ngitokuvakashela ngekxesikhatsi sekuphila, njengoba ngakwentela lesosetsembiso ekucaleni, eminyakeni lengemashumi lamabili nesihlanu leyendlula."

¹⁹⁹ Naku kuneNdvodza idla sinkhwa semmbila, idla inyama yelitfole, futsi inatsa lubisi loluvela enkhomeni, nabhotela lotsite esinkhweni, akungabateki, ahleti lapho adla loko, futsi atsi, "Ngakwentela setsembiso, futsi Ngitokwenta." Amen.

Futsi Abrahama waMbita nga "Elohim," Nkulunkulu Somandla. Kwakukhona, lobekahleti lapho, watsi, "Ngitokuvakashela ngekwe..."

²⁰⁰ NaSara, emuva ethendeni, wahamba, wahleka, watsi, "Mine, wesifazane logugile lapha, loneminyaka lelikhulu budzala, futsi ngibe nenjabulo nenkhosi yami phindze kanjalo? O, bekungeke kubenjalo."

²⁰¹ Futsi le—leNdvodza lehleti lapho yatsi, “Uhlekeleni Sara?” O, hlobo luni lwekufundza umcabango lolo? Nhloboluni lwe...? Lowesifazane ethendeni emvakwaKhe. Watsi, “Uhlekeleni?”

²⁰² Manje, bukisisani. Jesu watsi, “Njengoba kwakunjalo etinsukwini taseSodoma, kuyoba njalo ekubuyeni kweNdvodzana yemuntfu,” kutsi Nkulunkulu Uyotibonakalisa enyameni yemuntfu, liBandla laKhe, uMtimba waKhristu, futsi utokwenta sibonakaliso lesifanako. Lapho beTive bayasitfola.

²⁰³ Manje. “Banumzane, sitsandza kubona Jesu.” Ngabe Unguye itolo, namuhla, naphakadze na? Niyabona kutsi Watentia kanjani Watiwa kumaJuda na? kutsi Watatista kanjani Yena lucobo kubetive na? futsi, noma, kumaSamariya? futsi wakwetsembisa kuwetive.

²⁰⁴ Manje, sesibe neminyaka letinkhulungwane letimbili, akukaze sekubekhona ebandleni. Kodvwa kutawuba kuKhanya ngesikhatsi sakusihlwa. Umprofethi watsi, “Kuyobakhona lusuku lolungayubitwa ngebusuku noma imini, kodvwa kusihlwa kuyoba nekuKhanya.”

Manje, lalelani. Ake ngi... Ngalelinye lilanga kuleliviki, iNkhosi itsandza, ngifuna kushumayela ngekutsi *Lapho IMphumalanga NeNshonalanga Ihlangana khona*.

²⁰⁵ Manje, wonkhe umuntfu lonanoma nguyiphi imfundvo uyati kutsi imphucuko ihambe nelilanga, kusukela emphumalanga kuya enshonalanga. Bangakhi lokwatikko loko? Impela niyakwati. Imphucuko, lendzala kunayo yonkhe lesinayo yiShayina, futsi sita situngelete ngco. Imphucuko ihambe nelilanga.

²⁰⁶ Manje, kubantfu basemphumalanga... Emkhawulweni wemhlaba l-i-l-a-n-g-a liyaphuma futsi lishone enshonalanga, kubantfu basenshonalanga: l-i-l-a-n-g-a. Futsi i N-d-v-o-d-z-a-n-a yaNkulunkulu, ngalokufanako njenge l-i-l-a-n-g-a laNkulunkulu, i N-d-v-o-d-z-a-n-a yaNkulunkulu yeta kubantfu basemphumalanga kucala, emaJuda, futsi ngako... Ngabe kunjalo na? EmaGrikhi nakanjalonjalo, eta emphumalanga.

²⁰⁷ Manje, sekube yiminyaka letinkhulungwane letimbili lebeyihwalele. Bente tinhlangano, futsi bakha tibhedlela, futsi bakha emabandla, benta nje loko Jesu labatjela kutsi bangakwenti. Akazange atsi yakhani emabandla. Akazange atsi yakhani tinhlangano. Watsi, “Nishumayele liVangeli (Kunjalo.), nibonakalise emandla aNkulunkulu.”

²⁰⁸ Kodvwa letintfo leti setitsetse indzawo yawo. Setiluphilile lusuku lwato. Kodvwa manje, “Ngesikhatsi sakusihlwa,” Watsi, “kuyoba kuKhanya.” NaleNdvodzana lefanako leyakhanya emphumalanga ikhanya enshonalanga. Letibonakaliso letifanako tebuMesiya letentiwa lapho kufakazela kutsi kwakunguMesiya, tikhanya enshonalanga. Futsi siseluGwini

IwaseNshonalanga. Singemayadi langemakhulu lasihlanu, cishe impela, kusuka elwandle. Futsi uma sihamba ngaleyondlela, siyaphi na? Sibuyela eShayina futsi. Imphumalanga nenshonalanga kuhlangene ndzawonye.

²⁰⁹ Kungalesosizatfu sono sibhodla lapha kuleWest Coast. Kubi kakhulu, futsi kubi kakhulu. Ngani, sasivamise kutfumela eFrance kutfola emaphethini. IFrance itfumela kitsi kutsi itfole emafashini kubesifazane.

²¹⁰ Besifazane betfu bePhentekhostali, lihlazo kini. Nine besilisa bePhentekhostali, nibhema bosikilidi futsi nichubeka, futsi nishada bafati labatsatfu noma labane, nemadikhoni emabandleni. Lihlazo kini. Nkulunkulu abenemusa emphefumulweni wenu losoni. Nani tinhlangano te—teMethodisti, neBaptisti, ne-Assemblies of God, nemaBandla aNkulunkulu lavumela kutsi...

²¹¹ Wena utsi, “Uhlala njalo ukhetsa besifazane.” Noma nguyiphi indvodza leyovumela umkayo agcoke tikhindi futsi abheme bosikilidi, kukhombisa kutsi yentiwe ngani. Akasiyo indvodza.

“O,” wena utsi, “u—unesibhuku, Mnaketfu Branham.”

²¹² Angisuye. Anginasibhuku. Ngishumayela Livi laNkulunkulu. Kunjalo impela. Lihlazo kuwe. Titsintsitseni bese niyasanguluka. Buyani kuNkulunkulu. “Kutawuba kuKhanya ngesikhatsi sakusihlwu.” Banumzane, sitsandza kubona Jesu.

²¹³ Ngabe Wancemphetissa yini na? Ngabe noma ngumuphi umprofethi wake wancemphetisa na? Wanamatsisela bufakazi baKhe ngeluphawu lweNgati yaKhe. Emadvodza eliciniso aNkulunkulu angeke ancenge luhlelo lwamabonakudze ndzawanatsite, noma angenise imali, noma luhlelo lolutsite lolukhulu lwetempfundvo. Itokhulumta liciniso. Uma kubita kuphila, itokhulumta liciniso. Kunjalo.

²¹⁴ Bangahle bakutondze ngalelinye lilanga, kodvwa ngalelinye lilanga kufika lapho bayokutsandza, ngoba ukhuluma liciniso. Livi laNkulunkulu litsi kuliciniso. Kute umBhalo eBhayibhelini wekutiphatsa kwelibandla lePhentekhostali namuhla, kute nalesincane, kuphambene nalo, angisakhulumi ke ngani maBhaphisti nemaMethodisti.

²¹⁵ Whuu! Ngiyati kutsi loko kushubile, kodvwa nguloko lengikufuna kube ngiko, kute nitocondza. Futsi ngalelinye lilanga uyohlangana ngaleya eNkantolo yekwaHlulelwu. Mnaketfu, Livi laNkulunkulu. Belusi benu nalokunye njalonjalo, sebantekenteke kwendlula emanti etitja. Kukutsi, libandla lilitikithi lekudla esikhundleni sepulpiti. Kunjalo.

²¹⁶ Sidzinga emadvodza aNkulunkulu latokuma akhulume liciniso, kungakhatsaleki kutsi lilimata bani. Uma kubita

emadikhoni, emagonsa, nayo yonkhe lenye intfo iphume, betsembeke.

²¹⁷ Mela Nkulunkulu, futsi ukholwe Livi laKhe, naNkulunkulu utolicinisa leloLivi. Lacondza kanye nje; liyocondza ngco futsi. Kodvwa ufanele ucondzaniswe nako. Ungeke ukhone kubamba lombhobho wesibhamu *ngalendlela* bese ulindzela kushaya *ngalapho*. Ungeke ukwente. Kubambe ngesencele nasekudla. Ungeke wakwenta loko. Utodubula lilayini lelicondzile. Sifanele singene kulomBhalo futsi siLidubule licondze ngco. Amen.

“Banumzane, sitsandza kubona Jesu.” LiBhayibheli latsi, “Unguye itolo, namuhla, naphakadze.”

Siphe imizuzu lelishumi nesihlanu, nitokwenta na? UMoya loyiNgewelete ebandaleni lapha.

²¹⁸ Manje, uma ngilimele, ngoba-... Cha, ningangitsetseleli. Huh-uh. Ningakwenti. Yani ekhaya nje, kucabange sikhashana. Beringa... angikacondzi... Ngitodzingeka ngisho tintfo ngalesinye sikhatsi letisika njengemikhwa futsi... Kodvwa—kodvwa, mnaketfu, ngi—ngibophelelekile. Ngibophelelekile embikwaNkulunkulu kusho kutsi yini leliciniso. Khona-ke uma ngikhulume liciniso, Nkulunkulu utolicinisekisa kutsi liliciniso. Manje, ake sibone kutsi ngikhulume liciniso noma cha. Asicele Babe kutsi ete enkhundleni. Asicele Nkulunkulu kutsi ete, futsi aphendvule ini...uma lelo kuliciniso. Uma kungesilo liciniso, Angeke akusekele. Uma kuliciniso, Utokusekela.

²¹⁹ Nani nine bantfu leningatsandza kuMbona, uma Atokuta futsi ente yona kanye intfo lefanako kusihlwu kulelibandla... Akunandzaba kutsi Ungigcoba kangakanani, Utofanele anigcobe nani. Jesu waya eveni laKhe luCobo, nalemenengi imisebenti yemandla Bekangeke ayente ngenga yekungakholwa kwabo. Kodvwa ngesikhatsi atfola umuntfu amkholwa, wesifazane watsintsa umphetfo wesembatfo saKhe futsi wasindza ngalokuphelele. Yebo. Ungatsandza kubona Jesu na?

²²⁰ Manje, uma... Akunandzaba kutsi Bekatobe agcoke kanjani, kutsi Bekatobukeka kanjani, uma lokuPhila loku kukuYe, kumuntfu noma bantfu, kutokwenta tintfo letifanako Latenta, ngoba Wakwetsembisa. Ngabe leso sibonakaliso saMesiya manje etinsukwini tekugcina na? Bangakhi labakucondza kahle na? Phakamisa sandla sakho, utsi, “Ngiyakucondza. Ngiyakukholwa.” Asikhuleke.

²²¹ Babe lonesihawu, o, kungani ngifanele ngisho letotintfo letinjalo na? Ngi—ngi... Bantfu labondla bantfwana bami, la—abantfu labangigcokisa timphahla emhlane wami, futsi babhadalela indlela yami eveni lonkhe, kepha noko, Nkulunkulu, abacondze kutsi ngi—ngitama kuphela kubatamatamisa, Nkhosi. Ngi—ngitama kubuyisa libandla endleleni lendzala futsi. Abacondze. Kwangatsi uMoya loyiNgewelete ungabatisa kutsi akukho kuba nesibhuku; akusiko

e...kuba ngulonganaki; kodvwa kutoba neliciniso, Nkhosi, nekukhuluma liciniso kungakhatsaleki.

²²² Manje, Babe, Ungalesekela liciniso laKho kutsi kusihlwa na? Ngibanike sitatimende lesicinile kutsi Unguye itolo, namuhla, naphakadze. Akutsi Moya loyiNgewelete kusihlwa, Babe, futsi agcobe lesicuku lesi lesincane sebantfu lapha.

²²³ Futsi bente bati kutsi labantfu laba...Ngisho letintfo leti, kodvwa kuyatheyishwa lapha. Letheyiphu itohamba umhlaba wonkhe jikelele. Kuyohunyushwa kuletinengi, letinengi tilwimi letehlukene emhlabeni jikelele, nebantfu labavela ndzawo tonkhe bayobe bakuba. Futsi ngifanele ngikale emavi ami, Nkhosi, kutsi acinisile; nemaVi aKho, futsi hhayi ami.

²²⁴ Ngicaphuna Wena kuphela, kuvuma, njengoba liBhayibheli lisho, kutsi manje UngumPhristi loMkhulu wekuvuma kwetfu. Ngivuma Livi laKho kutsi Unguye itolo, namuhla, naphakadze. Khuluma, Nkhosi Nkulunkulu, futsi yenta bantfu bati kutsi—kutsi Waniketa uMlayeto, hhayi inceku yaKho. Siphe kona, Nkhosi.

²²⁵ Sikunikela konkhe kuWe manje. Ngingeke ngisasho lokunye. Futsi Livi linye lelivela kuWe liyoba ngetulu kwanoma ngumuphi umshumayeli lobekangashumayela eminyakeni lesigidzi, Livi linye nje. Siyati kutsi Lilapho, siyati kutsi Liliciniso.

²²⁶ Futsi manje sifuna Wena kutsi ucinise Livi ngetibonakaliso tilandzela, njengoba Wetsembisa, kute bati kutsi ngibatjelo liciniso, kutsi Wena unguMesiya. LeNsika yeMlilo lenkhulu labanesitfombe sayo, lapha, naseJalimane, levela eSwitzerland, kulolonkhe live, lapho balitsetse khona, kutsi yiNsika yeMlilo lefanako leyahamba nebantfwana baka-Israyeli.

²²⁷ Ngesikhatsi Efika lapha emhlabeni, sitfola kutsi leyoNsika yeMlilo yahlala emtimbeni, iNdvodzana yaNkulunkulu. Sayibukisisa imisebenti Layenta. Watsi, "Ngivela kuNkulunkulu, futsi Ngibuyela kuNkulunkulu." Kamuva, emvakwekufa kwaKhe, kungcwatjwa, nekuvuka ekufeni Wabuyela emuva kuBabe.

²²⁸ Futsi ngalelinye lilanga Sawula waseThasusi bekasendleleni yakhe abheke entasi eDamaseko kuyobopha bantfu, naleyoNsika yeMlilo lenkhulu lefanako yamshaya yamlahla phansi, kuKhanya lokwakhiphemehlo akhe, kwamenta waphumphutseka kwesikhashana.

Futsi Watsi, "Sawula, Sawula, uNgihluphelani na?"

Bekangati kutsi leyoNsika yeMlilo yayingubani. Watsi, "Ungubani Wena?"

"Kulukhuni kuwe kukhahlela emanyeva."

"Ungubani Wena, Nkhosi?"

Watsi, "NginguJesu."

²²⁹ Manje, Nkhosi, live lesayensi liyati, emvakwekuba sebasitsetse lesifombe, kutsi yiNsika yeMilo lefanako. KukuKhanya lokungacondzakali lokungasikuhle nje kuphela, kodvwa kushaywe liso lekhamera etiveni tonkhe.

²³⁰ Manje, uma kunguMoya lofanako, khona-ke Utokwenta umsebenti lofanako uma bantfu bangatitfola bona lucobo esimeni lesifanako. Akubenjalo kusihlwa, Nkhosi, kutsi mine nalelibandla, nalabazalwane laba, kutsi Utifakazele Wena lucobo kutsi unguJesu Khristu longuye itolo, namuhla, naphakadze.

²³¹ Uma sesihamba kusihlwa sito, njengalabo lebebavela e-Emawuse, sifuna kuKubona wenta manje, letintfo Lowatenta ngaphambi kwekubetselwa kwaKho, netetsembiso taKho kutsi Utotenta, futsi emvakweminyaka letinkhulungwane letimbili, kwangatsi Ungatibonakalisa Wena lucobo kusihlwa, futsi uma sesiya ekhaya, sitotsi, "Tinhliyo tetfu betingavutsi yini ngekhatsi kwefu, lapho Atenta atiwe Yena lucobo emkhatsimi wetfu kusihlwa na?"

²³² Futsi Nkhosi, ngikhola kutsi kutokwenta bantfu babuyele emkhulekweni futsi bazile, na—nalelibandla lelincane liyokhula, nemandla aNkulunkulu ayoba kuwo, netiprofetho netibonakaliso netimanga letinkhulu, nebesifazane nebesilisa bacondziswa futsi bahamba embikwaNkulunkulu kancane. Futsi, o, kwesaba lokunje pho Nkulunkulu lokuyofika eveni, Nkhosi. Baphe tibonakaliso netimanga letinkhulu. Siphe kona. Cinisa liBandla laKho, Nkhosi.

²³³ O Nkulunkulu, bita bantfu baKho; ubadvonse baphume kulenyakanyaka etinsukwini tekugcina. Siphe kona. Sitolindzela Wena, Babe, kutsi ukhulume natsi elayinini lalabakhulekelwako, njengoba sibita, eGameni leNkhosi Jesu Khristu. Amen.

Manje, uma nje nitobeketelela lembalwa nje...
[Akucoshwanga etheyiphini—Umhl.]

²³⁴ Wake wakubona nini kwehluleka na? Akwehluleki, ngoba nguNkulunkulu. Kungeke kwehluleke. Nkulunkulu ukutfumele loko. Futsi kungiko sibili kimi njengoba kunjalo kuwe kunatsa emanti. Niyabona na? Ngicinisekile nje kutsi Nkulunkulu utohamba esigcawini njengoba ngisemile langembili kusihlwa, ngoba setsembiso saKhe.

²³⁵ Futsi uma Atokwenta loko, khona-ke loko kutokhombisa kutsi UngoMesiya lofanako lobuyako. Manje, kubani na? Hhayi ngephandle, kuletinhlangano letinkhulu netintfo, kodvwa kulabaKhetsiwe (Niyabona na?), eBandleni. Niyabona kutsi ngicondze kutsini na? BaKhe luCobo.

Wena utsi, “Yini ungabi naloluhlelo lolukhulu lwamabonakudze na?”

Watfumela kubaKhe luCobo, labaKhetsiwe, lababitelwe ngephandle, hhayi lokuhlobisa ngetimbali.

²³⁶ Jesu bekete kutichayisa. Bekangesuye umbukiso. U—U... Batsi, “Awusuki ngani kulesosicuku entasi lapho emfuleni na? udlala nesicuku labafana nebagiciki labangcwele,” niyati. “Yenyukela lapha bese ukhombisa Kheyifase kutsi ungenta ini.” Akazange sekakwente. Uh-huh. Bekanguye, wachubeka ngekutifoba, ngekuthula.

²³⁷ Weta kubaKhe luCobo, ku...WaTenta watiwa kubaKhe luCobo, embikwemajuda, labo labaMala, bachubekela eliPhakadzeni. Labo labaMemukela futsi bakukholwa, ligama labo alinakufa, futsi bayoba ngunaphakadze. Kunjalo.

²³⁸ Manje, angisuYe. Ngingumnakenu nje. Ngingumnakenu, inceku yaJesu Khristu, ngitfunyelwe lapha nebazalwane bami, nani nine bantfu lapha, ku...ngesiphiwo lesibonakalisako. Futsi kube benginesikhatsi, bengingakutsatsa ngikuhambise eBhayibhelini kuleliviki, futsi ngifikaze kini ngemBhalo emvakweMbhalo, bufakazi lobungenakuphosisa kutsi leli li-awa lako. Ungakuvumeli kukwendlule. Niyabona na?

²³⁹ Nayi intfombatane. Angikaze ngiyibone emphilweni yami, intfombi letsandzekako. Ingahle ibe ngumKhristu; ingahle ingabi nguye. Angahle a—angahle agule; angahle angaguli. Angahle abe netinkhatsato tetimali, tinhatsato tasekhaya. Angikaze ngimbone emphilweni yami. Kodvwa nangu umbono lophelele waloko lebengikhulumna ngako.

²⁴⁰ Nayi imboniso lencane kusihlwa. Nangu wesilisa futsi nangu wesifazane, babonana kwekucala ngca. Wavele nje waphakamisa sandla sakhe, bekangangati, futsi nati tandla tami lengingatati, angikaze ngimbone emphilweni yami. Niyabona na? Futsi watsi ngisihambi kuwe. Ngabe kunjalo, dzadze na? Naku lapho sikhona.

²⁴¹ Manje, “Banumzane, sitsandza kubona Jesu.” Yini Lebekangayenta uma Abonakala enkhundleni na? Njengoba nje Enta ngelusuku emtfonjeni, wesifazane waseSamariya. Ngabe kunjalo na?

²⁴² Manje, Angentani na? Kungicoba futsi ngimgcobe. Uma Angakwenti, ngingeke ngasho ngisho nayinye intfo. Loku kuthula lokusimungulu kute lokutsite kukhulume kuko. [umnaketfu Branham washaya kancane umbhobho—umhl.] Kanjalo nami. Angimati. Akangati. Ngako ngitokwati kanjani—kanjani noma yini ngaye na?

Manje, kube-ke bengingatsi, “Dzadze, uyagula na?”

Bekatsi, “Yebo, mnumzane, Mnumz. Branham, ngiyagula.”

²⁴³ “Ludvumo kuNkulunkulu! Haleluya!” Mchawule, utsi, “Ludvumo kuNkulunkulu! Kwemukele. Haleluya! Chubeka. Uphilisiwe.” Loko bekungalunga. Impela, loko bekungabakuhle. Bekatokukholwa, bekatosindza. Impela.

²⁴⁴ Njengaloko nje Charlie Fuller lakusho entasi lapha ngalesinye sikhatsi, uMnaketfu Fuller, watsi, “Ngiyakholelwa kuletiphiwo leti, futsi ngiyakholelwa kuletiphiwo leti letinkhulu tekuphilisa nami, kodvwa,” watsi, “titiphiwo tekuphilisa, kodvwa Nkulunkulu utowenta lamadvodza aphendvule eNkantolo yekwaHlulelwa ngekutsengiselana ngato.” Futsi ngikholwa kanjalo nami. Ucinisile, lapho. Yebo, mnumzane. Ungatsengisi ngaNkulunkulu. Angeke abe ngewekutsengiselana. Kodvwa Nkulunkulu utonentu nibhadale ngaloko lenikwentako, indlela lenikusebentisa ngayo.

²⁴⁵ Manje, dzadze, ngisihambi. Umuntfu lotsite, unelikhadi lekukhulekelwa esandleni sakhe, umuntfu lotsite ufanele alitfole. Wota lapha, S'thandwa. [Lodzadze ukhuluma neMnaketfu Branham—Umhl.] O, aku—o, aku—akusiko, ngiyabona, ngulenye, intfo letsite lenye lapho. Bengicabanga kutsi bekulikhadi lekukhulekelwa. Ngiyacolisa. O, u...we... unelikhadi lalomunye umuntfu. Kulungile.

²⁴⁶ Manje, uma Jesu Khristu anguye itolo, namuhla, naphakadze... Manje, nginidvwebela sitfombe seliBhayibheli, libandla lePhentekhostali, ngicondze loku, *lapha*, Nginidvwebela liBhayibheli naloko Jesu lebekangiko itolo. Manje, Washo kutsi kulolusuku lwekugcina Uyokwehlela enyameni yemuntfu, njengoba Enta eSodoma, futsi ente intfo lefanako. Manje, uma Atobuya futsi ente njengoba nje Enta kumaSamariya nakumaJuda, nitoMkholwa kutsi unguMesiya lolapha kulesakhiwo kusihlwa na? Phakamisani tandla tenu uma nitsi, “Uma Atokwenta intfo lefanako, ngitoMkholwa.”

Yebo-ke, loludzaba lunye lufanele lukucatulule. Uma wetsembekile enhlitiywani yakho, lufanele lukucatulule.

²⁴⁷ Manje, naku lapho sikhona, sobabili ngaphansi kwesifungo kutsi asati lomunye nalomunye. Kulungile. Manje, uma Nkulunkulu atokwembula kimi intfo loyentile, lowatikko kutsi bengingeke ngati lutfo ngayo, noma lokutsite lo—lohlela kukwenta, lengingati lutfo ngako, noma lokutsite ngawe, kutsi yini inkhatsato yakho, kutsi kugula kwakho kuyini, kutsi kuhlaseleka kwakho, noma—noma *lenye intfo* letsite, intfo lefana naley, khona-ke ungakholwa kutsi bekunguYe?

²⁴⁸ Loko kuto...kutodzingeka kufike ngeluhlobo lolutsite lwemandla. Uma ukholwa kutsi ngemandla aKhe, khona-ke utfola tibusiso taKhe. Uma ukholwa kutsi ngulamanye emandla, yebo-ke, loko kusemkhatsini wakho naNkulunkulu. Niyabona na? Beningeke ngati kutsi bekutokwentekani lapho.

²⁴⁹ Manje, uma Atokwenta, nitokwemukela, uma Atokwenta ngendlela lefanako Layenta eBhayibhelini, njengaYe nalowo wesifazane emile, akhuluma, utokukholwa, utokwenta, dzadze? Nelibandla litsite litokukholwa. Manje—manje sekusikhatsi saNkulunkulu sekwenta. Niyabona na?

²⁵⁰ Manje, naku lapho sikhona, mhlawumbe emakhulu lamatsatfu noma lamane, bantfu labangemakhulu lamatsatfu, empeleni, bahleti ekhatsi lapha kusihlwa. Kulungile. Buka lapha, embikwebantfu labangemakhulu lamatsatfu, ngibone tinkhulungwane letingemakhulu lamane, lasihlanu eBombay, eNdiya, niyabona, tinkhulungwane letingemakhulu lamabili nemashumi lasikhombisa nesihlanu eThekwini, eNingizimu Africa. Akwehluleki. NguNkulunkulu.

²⁵¹ Manje, uma Angakutjela kutsi bewuyini, impela Anga... bewutokholwa, utokwati kutsi ngabe loko kuliciniso noma cha. Uma Akhuluma, utokwati kutsi kuliciniso yini.

²⁵² Yebo-ke, uma kunjalo, futsi Uyasho kutsi bewuyini, utsini ngaloko loyoba ngiko na? Bewungakukholwa kalula kanjalo ke, bewungeke wena, uma Bekangasho loko na? Kulungile.

²⁵³ Wesifazane losemusha, manje, angikaze ngibone emphilweni yami. Usemcane kakhulu kunami, satalwa ngeminyaka leyehlukene, mhlawumbe emakhilomitha lehlukene, futsi kwekucala sibonana. Kodvwa manje, ngikhuluma naye nje kute ngibambe umoya wakhe, njengoba nje iNkhosi yetfu yenta lowesifazane emtfonjeni. Futsi ngiyabona manje kutsi ulikholwa, futsi uhlaselekile. Ufuna umkhuleko weluhlobo lolutsite lwesifo sesikhumba lonaso. Uma loko kunjalo, phakamisa sandla sakho. Uyakholwa na?

²⁵⁴ Manje, ngiphika, kuwowonkhe umhlangano, ngiva kutsi, lomunye utsi, “Ukucombelele loko.” Manje, ungeke uyifihle imicabango yakho manje. Ulapha. Uh-huh. Niyabona na? Wena utsi... Manje, wena... Angikakucageli loko. Tfolani.

²⁵⁵ Ubonakala unekuchumana lokuhle naMoya waNkulunkulu. Manje, angati kutsi ngikutjеле ini. Loyo bekungesimi. Loyo bekunguYe. Kuserekhodini lapho. Beningakubuyisela emuva loko ngikudlale futsi ngati kutsi bekuyini, kodvwa angati manje!

Kodvwa uma nje utongikhholwa kutsi ngingumprofethi waKhe, noma, inceku yaKhe! (Lelogama liyabakhubekisa bantfu, niyabona.) Ngako, uma nje ukholwa ngenhlitiyo yakho yonkhe!

²⁵⁶ Yebo, mnumzane, sifo sesikhumba. Nguloko lenginitjеле kona. Futsi—futsi nayi lenye intfo. Uphetfwe tinhloko, tinhloko letimatima kabi. Futsi-ke, kunebantfwana lababili lofuno bakhulekelwe. Futsi lolomdzala kunabo bonkhe uphetfwe simo semizwa. Lolomncane uguliswa yintfo letsite lengalungi ngasengculwini, simila engculwini. Uma Nkulunkulu atongitjela kutsi ungubani, kungawkwenta ukholwe manje

ngenhlitiyo yakho yonkhe na? Uyati kutsi angikwati, kodvwa Nkkt. Bowman, ungaya ekhaya. Kholwa eNkhosini Jesu Khristu futsi welulame. Nkulunkulu akubusise, dzadzewetfu.

²⁵⁷ Niyakholwa na? "Banumzane, sitsandza kubona Jesu." Manje, banini nekukholwa nje. Manje, nayi indvodza. Angikaze ngiyibone emphilweni yami. Mhlawumbe ingulendzadlana kunami. Sitihambi lomunye kulomunye. Futsi angikwati, nawe awungati. Kodvwa uma Nkulunkulu angangitjela lokutsite, noma...

²⁵⁸ Manje, thulani impela. Akungabikho muntfu lonyakatako. Niyabona, uyimimoya. Niyabona, ngamunye wenu unggumoya. Niyakwati loko na? Lesi sandla sami, njengoba ngishito itolo ebusuku, lesi sandla sami; lona ngumuno wami; lena yindlebe yami; lena yimphumulo yami, emehlo ami. Kodvwa ngubani mine? Niyabona, leyo yintfo lengeyami. Nggingumoya.

²⁵⁹ Utele lomunye umuntfu lapha. Awukatiteli wena. Lomuntfu lomtele lapha ugula kabi kakhulu. Banelitfunti lekuva etikwabo. Ngumdlavuza. Abekho lapha. BasePhoenix, e-Arizona. Hamba, ukholwe, futsi batolulama. Kulungile. Njengoba ukholiwe, akube njalo kuwe. Nkulunkulu akubusise.

Bani nekukholwa nje. Ungangabati. Uyakholwa na?

²⁶⁰ Kutsiwani ngawe uhleti lapho, dzadze, esitulweni na? Ngisanda kukujabulisa nje, khonha lokwentekile, khona lapho, akuzange na? Lodzadze lohleti lapha nelibantji lakhe, lohleli nesandla sakhe siphakeme, angibuka *kanjalo*. Ya, khona lapha ekugcineni. Uyakholwa kutsi lomfutfo wengati lophakeme utokushiya futsi utoba kahle na? Kulungile, ke. Chubeka nje. Ungalulamiswa.

Utsintseni na? Ukhweshe ngemafidi langemashumi lamatsatfu kimi. Utsintse umPhristi loMkhulu lonekuvelana nebutskatsaka betfu. Lowo nguYe.

²⁶¹ Sitihambi lomunye kulomunye, mnumzane. Angikwati. Awu, mhlawumbe, awungati, ngaphandle uma ngeligama nje, noma uhiale emhlanganweni ndzawanatsite futsi wangibona. Kukutsi, kodvwa kwati lomunye nalomunye, asatani. Sitihambi lomunye kulomunye.

²⁶² Manje, uma iNkhosi Jesu itokwembula kimi lokutsite ngawe lowatiko kutsi angikwati, nitoMkhola njengaMesiya na? Hhayi mine, kodvwa Yena asebenta ngami. Mine nje, sipho, kutsi nje ngitinikele eMoyeni waKhe, futsi sengiphumile endleleni futsi Yena uyakhuluma. Niyabona na? Yebo-ke, uma Atokutjela, uyati noma ngabe kuliciniso noma cha, kungeke na? Uyagula, kukhona lokungalungi emitsanjeni. Yimitsambo lecumbile. Kunjalo impela.

²⁶³ Kodvwa ngibona wesifazane abonakala, umuntfu lotsite lomkhulekelako. Ngudzadzewenu. Unekuphumula

kwengcondvo, futsi uyamkhulekela. Loyo ngu ISHO KANJE INKHOSI. Liciniso lelo, phakamisa sandla sakho. Kholwa yiNkhosi Jesu manje? Hamba, wemukele loko lokucelile.

eGameni leNkhosi Jesu, siphe kona.

²⁶⁴ Sawubona? Ngiyacolisa. Beningekho ngekwa... ngaphandle kwami, bengibukela kuKhanya. Beningakaciniseki. Ngiyabona lapho Kuma khona, kodvwa beningakaciniseki kutsi—kutsi kwentekeni. Niyabona na? Niyabona, ngi—ngifanele nje ngiKulandzele. Niyabona, Ngi...

²⁶⁵ Manje, sewulungele umsebenti. Kodvwa uyakholwa kutsi Nkulunkulu angakuphilisa kuloko na? Unetimila letintsatfu etindzaweni letintsatfu letehlukene. Uma ngitokuchazela tona, ngabe kutokusita na? Lesinye sato sisemphinjeni, lesinye sato sisedlaleni lebesifazane, nalesinye singaphansi kwemkhono wakho wangesekudla. Nkkt. Macintosh, lelo ligama lakho, yani ekhaya futsi ukholwe yiNkhosi Jesu Khristu futsi welulame, eGameni leNkhosi Jesu.

²⁶⁶ Niyakholwa na? "Banumzane, sitsandza kubona Jesu." Yeboke, nguYe lowo, ngulowomuzwa. Manje, loko akucinisekisi yini kutsi libandla lePhentekhostali leliva lesosibusiso, leyo yiNkhosi Jesu, niyabona na? Wenta imisebenti lefanako. Loyo akusimi.

²⁶⁷ Angibati labantfu laba. Nkulunkulu eZulwini uyakwati loko. Angibati labantfu, kodvwa Nkulunkulu uyabati. Uma ungakholwa nje, tonkhe tintfo tingenteka.

²⁶⁸ Wesifazane uneliduku lakhe etulu lapho. Loko kuKhanya kusasolo kusetikwalowesifazane. Ngabe ngulowesifazane, lobekalangembili njengamanje, uphakamise liduku lakhe na? Bewusenhla lapha na?

²⁶⁹ Cha, ku—kusemvakwakho ngco. Lodzadze ngemuva kwakho ngco unesifo sekucacamba kwematsambo, uhleti laphaya ekugcineni, kholwa Lo...nguloko-ke, dzadze. Amen. Uyakholwa ngenhlitiyo yakho yonkhe na? Uyakholwa kutsi lesosifo sekucacamba kwematsambo sitokuyekela? Uyakholwa na? Uma bewunesifo sekucacamba kwematsambo, jikitisa sandla sakho *kanjena* kute bantfu bat. Bewuhleti lapho ukholwa, nalowo wesifazane uta nelugcobo. Manje, hamb'ekhaya futsi welulame. Jesu Khristu ukuphilisile. Utsintseni na?

Angikwati. Sitihambi lomunye kulomunye. Kunjalo, ungapiphakamisa tandla takho nami?

²⁷⁰ O, uma bantfu... Uma nje utokholwa, kutsi bekungentekani khona manje! Kutobakhona imvuselelo lechumako eWest Coast letotsanyela umhlaba wonkhe. Kube kuphela beningaconda kutsi ngibukeni! Ngi—ngiyetsema, impela, ngi—ngitfole umusa emehlwensi enu embikwaNkulunkulu. Nginitjela liciniso, naNkulunkulu ukucinisekisa kutsi kuliciniso. Loko Nkulunkulu

lafisa kukwenta khona lapha kulelibandla kusihlwa! Kuyaphawuleka. Kodvwa ngi—ngiphelelwa ngemandla. Niyabona na? Bukani nje esandleni sami. Niyawubona lomjuluko? Loko nje yi... Bangakhi lowatiko kutsi loko kuyakucedza emandla na?

²⁷¹ Lomunye wesifazane watsintsa sembatfo saKhe, Watsi emandla aphumile kuYe, futsi BekayiNdvodzana yaNkulunkulu. Manje, ngisoni lesisindziswe ngemusa. Danyela wabona umbono munye; wamkhatsata enhloko yakhe tinsuku letinengi. Niyabona na? Kholwani nje.

²⁷² Manje, lendvodza, sobabili siyasho kutsi sitihambi lomunye kulomunye, asatani. Kodvwa Nkulunkulu uyasati. Manje, uma Angembula kimi lokutsite ngawe, kutsi—kutsi lowatiko kutsi angati ngako, bekungenelisa yini kutsi u...? Ningakwenta nonkhe nine labanye, ngisho nelilayini lalabakhulekelwako, ndzawo tonkhe, nikholve ngayo yonkhe inhilitiyo yenu?

²⁷³ LeliBhayibheli lelibekwe lapha, nalendvodza nami sime lapha, asikaze sihlangane phambilini emphilweni, netandla tetfu tiphakeme, asikaze sihlangane phambilini. Manje, Jesu watsi Wayibona imicabango yabo. Bangakhi lokwatiko loko na? Bangakhi lowatiko kutsi liBhayibheli latsi, “Livi laNkulunkulu likhalipha kunenkemba lesika ngetinhlangotsi totimbili. Kantsi futsi linguMhloli wemicabango yenhlitiyo, tinhoso nemicabango yenhlitiyo nengcondvo.” Ngabe liBhayibheli liyakusho loko?

²⁷⁴ Livi laNkulunkulu, yebo-ke, laiyini Livi laNkulunkulu na? Jesu. “Ekucaleni bekakhona Livi, naLivi bekakuNkulunkulu, naLivi bekanguNkulunkulu. NaLivi waba yinyama wakha emkhatsini wetfu.” Futsi lapha Livi libonakaliswa enyameni yetfu. O Nkulunkulu! Impela ningeke nikugeje, impela, impela. Kholwani.

²⁷⁵ Sipho nje, mnumzane, ngitama kutiphumuta futsi ngibambe umoya wakho. Njengoba kubonakala kuyincaba nje, ngibabonile balele-... bantfu balele bafile. Finland, tindzawo letintsatfu noma letine letehlukene lengitibonile emphilweni yami, futsi Nkulunkulu avumele umoya wami ungishiye kanjalo uze uphumele eveni, futsi ubambe lowomoya, bese ulibuyisa ngco futsi kuloyomuntfu. Liciniso. Nkulunkulu eZulwini uyati kutsi kuliciniso. Niyabona na? Manje, njengoba kukuwe, futsi usasolo ungaphansi kweikutikhetsela, utofanele wente lokutsite. Futsi bengingeke ngikhone kwenta loko ngaphandle uma beku—bekungumyalo waNkulunkulu angikhombisa umbono.

Jesu watsi, “Angenti lutfo ngaphandle uma Babe aNgikhombisa.”

Khona-ke bewutotsi, “Angakukhombisa kutsi ngeluleme, noma yini...?”

²⁷⁶ Angangikhombisa kutsi yini inkhatsato yakho, kodvwa ufanele wemukele, kukholwa kwakho. Beningeke sengikusindzise, kanjalo nami ngingeke sengikuphilise. Sekuvele kwentiwe. Kodvwa Ulapha manje kukhombisa kutsi UnguNkulunkulu lofanako lowabhalala lamaVi. Niyabona na?

²⁷⁷ Manje. Yebo, ugula kakhulu, ulungiselela, kuya esibhedlela kusasa uneTB. Kunjalo. Uyangikhholwa kutsi ngingumprofethi waKhe, noma,inceku yaKhe na? Uyakholwa na? Uyakholwa kutsi bewunga...utowelulama, futsi ute ekhaya manje, utoba kahle na? Uyakukholwa na? Kube bengitokutjela kutsi bewungubani, ngabe loko bekutokusita na? Kulungile. Walter Kaiser, chubeka, futsi ukukholwe ngenhlitiyo yakho yonkhe. Kunjalo. Kholwa ngayo yonkhe inhlitiyo yakho. Bani nje—bani nekukholwa.

²⁷⁸ Uhleti lapho, mnumzane, ugcoke isudu lemphunga, ubenenkhatsato ngemaphaphu akho futsi. Uma ungakholwa... Ya. Niyabona na? Ya, bekanenkhatsato yeliphaphu. Ngikucaphele loko kuKhanya kumanyata etikwakho, masinyane nje uma aphiliswa naloko lebekanako lapho. Bekenenkinga yeliphaphu futsi yeluhlobo lolutsite. Kwece kuwe. Kukholwa kwakho kukucedzile. Hamba uye ekhaya, welulame. Kukholwa kwakho kuyakusindzisa.

²⁷⁹ Lohleti emuva ngemuva kwalowesifazane, lomunye angibuka khona lapha manje, bekanenkhatsato yeliphaphu. Ngumdlavuza, futsi emgogodleni futsi. Kholwa ngayo yonkhe inhlitiyo yakho. Dzadze lomncane lonenhloko lemphunga, uma loko kuliciniso, sukuma ume ngetinyawo takho. Sukuma ume ngetinyawo takho. Ngisihambi lesiphelele kuwe. Ngabe kunjalo, jikitisa sandla sakho. Nguloko lobekuyinkhatsato yakho. Kulungile. Ngitsatsa ligunya. Uyakukholwa loku kutsi kuliciniso na?

Khona-ke eGameni laJesu Khristu, ngiyamlahla lowodeveli.

Hamba futsi welulame.

²⁸⁰ Uyakholwa kutsi leyonkhatsato yenhlitiyo itosuka futsi utosindza, futsi utokuya ekhaya, ngenhlitiyo yakho yonkhe na? Ngako-ke hamba, futsi ukholwe ngayo yonkhe inhlitiyo yakho, futsi welulame.

²⁸¹ Wota. Ucabangani na? Uyakholwa kutsi lesosifuba semoya sitokushiya, futsi uye ekhaya, uyekele kukhwelela na? Ngako-ke hamba, kukholwe ngayo yonkhe inhlitiyo yakho, futsi welulame. Uma ungenjalo...

²⁸² Wota, dzadze. Yini lokushaywa luvalo kangaka? Bewusolo uneluvalo sikhatsi lesidze. Kulungile. Sewuphilisiwe manje, hamba ukukholwe ngayo yonkhe inhlitiyo yakho futsi welulame. Kulungile, mnumzane. Nguloko lokukwephulako.

²⁸³ Kulungile, dzadze. Wota. Uyakholwa ngenhlitiyo yakho yonkhe na? Inkhatsato yakho yelicolo iphilisiwe. Hamba, ukholwe ngayo yonkhe inhlitiyo yakho, futsi utsi, “NgiyaKubonga, Nkhosi Jesu.”

Inhlitiyo lenekwetfuka, uyakholwa kutsi Uyakuphilisa na? Hamba, futsi utsi, “NgiyaKubonga, Nkhosi” futsi uphiliswe. Bani nekukholwa nje. Nguloko kuhela lofanele ukwente.

²⁸⁴ Buka lapha, dzadze, kimi. Uyangikholwa kutsi ngingumpprofethi waKhe na? Leyonkhatsato yalodzadze lonayo, inkhatsato yebesifazane, kunjalo, hamba uphiliswe, eGameni laJesu.

²⁸⁵ Umzuzwana nje. Ikhona intfo letsite leya etetsamelini. Yebo, indvodza lehleti khona emuva lapha, iphetfwе yinkhatsato yelicolo, ingibuka ngco. Uyakholwa, mnumzane na? Kulungile. Yemukela kuhiliswa kwakho. Lulamiswa, eGameni laJesu Khristu. Bani nekukholwa kuNkulunkulu.

²⁸⁶ Lowesifazane lohleti ngemuva kwalendvodza unesifo sashukela. Uyakholwa ngenhlitiyo yakho yonkhe na? Sukuma, lodzadze lonenhloko lemphunga lomncane lofake tibuko. Utsintse Intfo letsite, awukayitsintsi na? Sukuma; welulame. Hamba uye ekhaya, futsi ukholwe iNkhosi Jesu Khristu. Bani nekukholwa.

²⁸⁷ Kube bengingeke ngisho lutfo kuwe, ngibeke tandla nje etikwakho, bewungatfola...? uyati...? uyakholwa kutsi lowo nguMoya loyiNgewe? Wota lapha, ake ngikubeke tandla.

Ngako-ke, eGameni laJesu Khristu, philiswa.

²⁸⁸ Manje, wota. Vele ukhombise kutsi bangakwenta kanjani. Niyabona na? Uyati kutsi ngiyati kutsi yini lengalungi ngawe. Kodvwa uma ngingasho lutfo, ngabe kutolunga, ngibeke tandla etikwakho? Uyakholwa? Lolu lugcobo lweluhlolo lolutsite. Kholwa, nenkhatsato yakho yenhlitiyo iyahamba. Bekangifuna, ngisho loko, kabi kabi.

Kulungile, wota. EGameni leNkhosi Jesu Khristu, philiswa, futsi uye ekhaya, welulame. Bani nekukholwa manje, ungangabati.

²⁸⁹ Dzadze lomncane, esikhshaneni lesendlulile ngesikhatsi ngishumayela, bewuhleti emuva laphaya ungibuka. Wena wajika, wabuka wesifazane; kuva lokuyincaba impela kwawela kuwe, ngesikhatsi wena, ngesikhatsi ngisashumayela, ngisho lokutsite ngeNkhosi Jesu, ikakhulukati elusukwini ngesikhatsi ngikhuluma ngeSodoma, waba nekutivela lokungakejwayeleki. Uyakukhumbula loko? Ngulapho la inkhatsato yakho yebesifazane iphiliswe khona. Manje, hamba uye ekhaya, welulame.

²⁹⁰ Uyakholwa ngenhlitiyo yakho yonkhe na? “Banumzane, sitsandza kubona Jesu.” Ngabe Unguye itolo, namuhla,

naphakadze na? Phakamisani tandla tenu. Manje, ngifuna kunibuta, bangakhi kini labangemakholwa na? Jikitisan tandla tenu kanjena. Kulungile.

²⁹¹ LiBhayibheli lacho loko, “Letibonakaliso leti tiyobalandzela labakholwako.” Niyakukholwa loko na? Uma, loko, kunguloko Lakusho, “Lemisebenti lengiyentako Mine nani nitoyenta,” khona-ke bekani tandla tenu etikwalomunye nalomunye. Ungatikhulekeli wena; khulekela lomuntfu lobeke tandla takho etikwakhe. Bekani tandla tenu etikwalomunye nalomunye. “Letibonakaliso leti tiyobalandzela labakholwako.”

²⁹² Etulu kuvulande losesitezi etulu lapho, leyondvodza lehleti lapho lenenkhatsato yelidlala lebesilisa, ihleti ngale ngaseluhlangotsini lwangesencele, kholwa ngayo yonkhe inhltiyo yakho, mnumzane. Nguloko-ke. Nkulunkulu uyakuphilisa, uyakululamisa. Kholwa. Bekani tandla tenu etikwalomunye nalomunye futsi nikhulekelane manje.

²⁹³ Babe wetfu loseZulwini, manje siletsha Sathane kulemancamu. Ungumkhohlisi, futsi udaluliwe kusihlwu ngemandla nekuvuka kwajesu Khristu.

Sathane, ulahlekelwe yimphi. Phuma kulabantfu laba. Suka. EGameni laJesu Khristu, phuma kubo.

²⁹⁴ Ngiyala wonkhe wenu lokholwa nguJesu Khristu, futsi uyati kutsi Uyaligcina Livi laKhe, ukholwa kutsi lowo nguMoya waKhe lapha manje, uma ukukholwa ngenhlitiyo yakho yonkhe... Likholwa libeke tandla talo etikwenu, liBhayibheli lelatsti, Jesu watsi, “Letibonakaliso leti tiyobalandzela labakholwako.” UnguNkulunkulu lofanako lolapha Atenta atiwe kutsi UnguMesiya wenu wePhentekhostali.

²⁹⁵ Nonkhe nine lenitoMemukela manje njengeMphilisi wenu, akunandzaba kutsi ukuphi, sukuma ume ngetinyawo takho futsi uMemukele njengeMphilisi wakho. Ngibita kuphila eGameni laJesu Khristu. Phakamiselani tandla tenu kuYe manje futsi niMdvumise. Amen.

Ngitomdvumisa. Ngitomdvumisa.

Mdvumiseni nje.

...Ngitomdvumisa,
Dvumisani liWundlu ngekuhlatjelwa toni;
O, Mnikeni inkhatimulo nonkhe nine bantfu,

Nkulunkulu anibusise.



BANUMZANE, SITSANDZA KUBONA JESU SSW61-0208
(Sirs, We Would See Jesus)

LoMlayeto ngeMnaketfu William Marrion Branham, kwekucala wetfulwa ngesiNgisi ngaLesitsatfu kusihlwa, ngenyanga yeNdlovana 8, 1961, eFirst Assembly Of God YaseLong Beach eLong Beach, eCalifornia, eU.S.A., utsatselwe ekucopheni kwetheyiphu lenamazibuthe futsi wakhicitwa ungakafinyetwa ngesiNgisi. Loku kuhunyushwa ngeSiSwati kwakhicitwa kwakhishwa yiVoice Of God Recordings.

SWATI

©2023 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Inotsisi yelilungelo lemtsetfo

Onkhe emalungelo agodliwe. Lencwadzi ingaprintwa ngeprinta yasekhaya yentelwe kutsi umuntfu atisebentisele yena noma kutsi iniketwe labanye, mahhala, njengelithulusi lekusabalalisa liVangeli laJesu Khristu. Lencwadzi akukamele itsengiswe, iphindze ikhicitwe tibetinengi, iposwe kuwebsayithi, igcinwe ngeluhlelo lwekutsi iphindze itfolakale, ihunyushelwe kuletinye tilwimi, noma isetjentiselwe kuticelela timali ngaphandle kwemvumo lebhaliwe lecondzile ye Voice Of God Recordings®.

Mayelana nelwati lolwenetiwe noma lwalwenye impahla lekhona, sita uchumane ne:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org